



08054

漁石集四卷

全華叢書



退翁室開卷

漁石集四卷

漁石集序

漁石子集者浙東子唐子之所著也子唐子始以進士合於
鄴城以御史按治於雲南靖宸濠之難於江西以按察副使
提學於陝西以按察使明刑於山西以僉都御史理漕於江
淮再登朝自副都御史爲吏部左右侍郎尋進兵部尙書右
都御史盡督陝西之軍與其饒事最子唐子之風輝於天下
而其在陝西者十之五焉所至交其鉅人名彥而甄淑其髦
士雋才子唐子之誼闡於天下而其在陝西者亦十之五焉
文與詩凡四卷若干篇目有黔南集有江右集有關中集有
晉陽集有淮上集其再至關中者將別爲集以竣然哀其帙
而關中之集軼四尙羸子唐子之文焜燿於天下而其得諸
陝西者又不翅十之五焉子唐子身爲天下之士而其煽越
於陝西者尤焱故能於陝西之士相知之不惑而相信之不
疑則時春於羣士之中又獨得十之五焉然則子唐子之文
非時春其孰宜讀而序之子唐子傳業於楓山章先生先生
以直道顯於成化宏治之間時春聞諸唐子云壁巖巒嶠玉
纈冰嶺松栢菁芽霜菊凝華裊然篤行君子也子唐子蒲伏
鍾叩陽暴江滌栽培蘆暢岳歸其麓江澎其濤颯乎出類拔
萃者也膏積華發夢拆英葩虎炳豹變掣電蒸霞盜乎其春
以靖民也栗乎其烈以糾逆也淵乎其澤以敬敷也鑿微研
幾施淑扑慝以將明也昭毅致果震之弗懣陰翕陽舒以經
武也行先而言從加乎人以潤其身油然者與節合而超然

者與音俱郁乎以文以詩也匏大受而中虛竹節勁而膚空
作之而已不與施溥而心不凝身為簪組羈而心與江海澄
此子唐子以東西南北之文而系之以漁石者也漁石子可
謂煥然成章矣王風降聖澤湮而文與道之義岐焉世無碩
師儒罕能兼而仔之或幸有其人而世主亦莫能致其用今
子唐子能以文鳴道於休明之時聖主能致子唐子於公卿
之位使後世君子誦其文而晞其道者將曰聖主真能知人
如古之哲王也夫子唐子真能稱所知如古之賢王臣也夫
又將曰楓山子真能以道授人時春真能得所受如古之碩
師儒也夫嗚呼後學小子其將以興也夫子唐子名龍字虞
佐自云夢漁子又自云漁石子學者亦云漁石子云異日用

漁石集序

二

退補齋

世勲業觀者請質太史氏

嘉靖十一年歲次壬辰冬十月戊子門人平涼趙時春謹序

安躋究堂奧若草木之滋足而敷鬯也若日蒸而覆嶽潤而雲也言公之覽跡居鄉則攀金華洞巖擊巖灘錢塘雲南則求金馬碧鷄滇瀕池麗江江西歷廬山鄱陽陝西陟太華終南問周漢故都山西遵恒山五原南淮北燕瞻二京宮闕山川麗奇邊鎮則沙塞之迢曠長城之連紆關堡之蕭楚賀蘭大河之縈帶皆獻矚歸眺宏肆胸府故摘琢騰騁慷慨瑋落屬采無方旨度深邈者皆九州爲之助益也鯁生省曾陋伏巖穴仰景公名素矣今茲友人白禮部貞夫使輶歸自關中致公惠言俾效末伎若公海內鉅望文章宗門雖不下教猶宜鋪頌輝益况命之乎此所以忘其賤鄙而揚著斯文也

嘉靖甲午冬十一月吉日五嶽山人吳郡黃省曾撰

讀唐漁石集

昔唐韓愈工文矣而畧於詩杜甫工詩矣而缺於文信斯才之難兼也自宋以來是道寡和學者章句是守而情文盡廢益莫有全者矣嘉靖辛卯叔嗣請告期滿徇祿京邑得竊讀唐漁石集然後知斯文之不墜在斯人也公以道德文章爛焉名世豈淺末如叔嗣所敢飾說輒因歸納妄次數語是歲閏月望日後學大梁高叔嗣頓首識

漁石集序

退補齋

漁石集序

文章之道與運俱流漢氏遐軌淪久不作入我天代全風大氣郁爲人文洪武永樂間明渾雄雅迨至宏治鴻化洋暢延於嘉靖則法模姬秦彬彬乎文質備矣故以文章名家者接耀于天下雖林曲草牖窮棲之士亦能高善鉛槧而况公卿大夫委蛇廟朝意昌情達者乎然而英華翹炳升堂卽奧者亦未嘗不濶希難邁也蓋性靈昭朗仁義藹如蹈清者言粹業良者語芳固斧藻之本也否則餒澁瑕病紛紛矣或曰率意吐造卽可以文乃廢博羅六籍目左記爲衰淺以騷選爲雕靡眇就觚爲細習藝苑眾妙一切捐置又何以鎔貫神理錯綜變化蘊浸組織之哉且不需其成不出於盈強拾輟綴

卷首

漁石集序

退補齋

猶提嬰而爲壯夫之武鮮不躡矣又聞之江山令人發秀故尼孟周環馬遷登遊觀覩廣遠是以宣之科牒富如元黃無所不有矣文章之道必具是而可立以傳也不其難哉不其難哉若我大中丞漁石唐公少聞賢儒文懿章公之學卓然修躬以進士起家令郟城召拜監察御史累至大司馬今方兼右都御史總制三邊云所至道隆政光焦勞經濟康蘇元元以昭沛天子聖澤稱爲股肱是以中無歉心浩然於詞式玉式金通會訓典公之學底祖于經而弗遺羣家自翰人所傳靡不含討尤獨專於西京故機肯翩翩乎來矣所傳記序雜著若干首逸健豪峻多類子長詩之形似賦實若杜甫而與格並張九齡諸能哲和樂新縟無淒鬱之響然皆章安字

漁石集序

漁石集者總制軍務兵部尙書漁石唐子虞佐之所撰也唐子巡按雲南江西提學陝西掌憲山西督漕淮上及今凡若干年其所爲詩若文皆是乎類載之陝西提學僉事鳳泉王子惟賢因刻之以傳謂予知唐子者宜序諸其首予讀是編所載爾雅正大春容涵渾可與今昔名家頡頏上下世儒摹倣標紋偶中臆得於萬一者自難擬倫也唐子嘗言文不如先秦不可以云古非誠哉知言者乎今讀其所作機軸本於左氏而無隱僻艱深之習議論肩於董賈而有溫彘簡重之致然其歌吟篇什又言不下帶道罔不存罔不待上法漢魏中契盛唐而後善也唐子方將以功業左右昌時上修方叔

卷首

漁石集序

退補齋

召虎韓范富歐之績其文章緒餘又復若是豈詩所謂文武吉甫萬邦爲憲者邪緝文之士自當有以識之士有體有用若唐子者可也

嘉靖十二年壬辰秋七月既望潞西山人康海德涵序

唐漁石集目錄

卷之一

記

重建伏羲廟記

文武成康廟記

蒲城修學記

韓城修學記

徽州修學記

董子祠記

耀州文正公書院記

邠州文正公祠記

杜子祠記

重修節孝祠記

正學書院續記

大意亭記

張先生鷓巷祠記

祀德記

遺愛祠記

遺愛祠記

目錄

漁石集

一

退補齋

偶然記

狀元題名記

峩峩精舍記

平田記

重修清軍御史臺記

按察司題名記

屯田分司記

重建按察司分巡河西道記

軍器局記

固原兵備題名記

漕運府總參題名記

渭西兩別記

兩厓記

對紫亭記

逸老堂記

冰蘂軒記

月湖記

頤貞軒記

渭川記

東軒記

柏臺秋月記

菊圃記

微齋記

寶穡堂記

鶴洲記

容堂記

記續編

重修察院記

同仁祠記

增修浙江貢院記

湛塘記

卷之二

序

國語序

小學集解序

送徐子入覲序

送兩山人覲序

二忠錄序

表忠錄序

目錄

漁石集

二

退補齋

循吏私錄序

鍾氏家譜序

隴西汪氏族譜序

吏部獻納稿序

正學書院志序

送陽明先生還朝序

馬政志序

鹽政志序

督府奏議序

贈司馬荆山先生提督三邊軍務序

督府奏議序

恤刑疏草序

呂梁洪志

送徐用先督學河南序

贈王公壘庵遷秩序

贈李東渠巡撫寧夏序

送王濟川任雲南參政序

送姚廉夫任天津兵備序

送劉遠夫任四川參政序

送孫夔卿任四川參政序

送毛繼賢任四川參政序

賀劉七峯陞陝西布政使序

送潘伯和任山東布政使序

送韓秀夫贊畫軍務序

贈趙汝成苑卿序

道德經正解序

何仲默集序

西行小稿序

盧師邵集序

優詔榮歸錄序

序續編

歐陽文集序

守明續紀序

王氏家藏集序

贈張惟裕陞副使序

送王壽夫任金華序

西行紀序

西行別稿序

雪洲集序

瑞芝卷序

蟠桃園序

目錄

滄石集

三

退補齋

詹氏族譜序

送姪汝承之任序

三邊四鎮圖序

送周公約菴總漕巡撫江淮序

楓山實紀序

卷之三

雜著

月塢癡人問答

題兩疏後解

觀泗州續志

忠文公像贊跋

紀綱錄引

令尹贈言

遊慈恩寺題碑

忠節公像跋

表忠傳

聽庵先生傳

野江傳

惡人傳

吉慶傳

榮陵像贊

仁壽篇

執法篇

清議篇

東明篇

求文述

程節母述

易經大旨說

子父字議

南崗說

疊庵說

楓岡說

晴原說

誓神詞

禱雨詞

賽神詞

目錄

漁石集

四

退補齋

祈雪祝詞元日有大雪之應

謝雨詞

過清浪祭 犬父詞

楓山先生行狀

五泉韓子墓表

明封戶部主事呂君墓表

哭門人張之槩文

祭蘇鄂南大夫文

祭王淑人文二章俱代作

雜著續編

祭陸鶴山文

郭朴菴暨配吳安人合葬墓誌銘

方節母述

後半

序齋說

紀綱書

五言古詩

五月桂花

斗湖書屋登山聽風對月講學懷友倦遊檢書宴坐八

首次于中韻

再至白鹿洞次陽明公望五老峯韻

鉛山察院後圃多竹中結亭下有池涓涓然次國華道

長韻

次陽明先生遊青原山韻山在吉州

送石崗進萬壽表

送王舜夫還朝

南浦

贈太微山人

送李拱元歸田

榮壽卷為周宗化僉憲題

關關圖

贈陳省齋赴召

目錄

漁石集

五

退補齋

送崦嵫山人巡視茶馬報成

長淮行送張員外還金陵

歌風臺

送郭侍御歸朝

鷺沙

送華子謝病

贈張子錄刑

送筦湖年兄赴通政司參議任

送呂子從質

秋官盧子言別為賦清河篇

送戶曹張子汝功還金陵

進士胡子進之剛宣廉潔部內賢士今茲令蘭谿餞之

淮之澗而贈以詩用致期望之意云

五言古詩續編

送門人秦子登同知鳳陽

送地官袁子伯昭督餉濟邊事竣報成

廷獻程子拜山西參政作甘棠篇

壽舅母鄭安人八旬

贈秦生

胡不歸二首

送郭行人一首

贈汪白泉按察雲南

壽樊僉憲母

藹藹篇

贈侍御韓子鎮卿出判滁州

思椿

胡道長鰲出按河東爲賦河水行

西王母蟠桃圖爲友人六松子賦

目錄

漁石集

六

退補齋

嘉靖甲午之夏傅子國鼎以行人出使關西過予轅門

高誼突然而別且年餘矣茲獲申良晤甚歡也傅子

尋拜侍御史建旆而南作憶昔行

禮部郎梅臺曾子蔚然有慕古之風與予爲忘年友日

者予出治邊梅臺送之詩義甚壯烈尋梅臺引疾還

別且六年又嘗會于京師朝夕過從懽甚而今梅臺

參議浙江于其行也以詩復之致厚望云

壽介所翁七秩

應臺行爲傅侍御賦

湘桃白鹿圖爲古潭道長賦

雙泉吟

送侍御史白坡何子領罷之吉州舟次蘭皋爲賦螺溪

小言吟螺溪吉之溪也

晴川爲時若思賦

憶昔吟酬張秋官石川子

贈適庵大夫得謝歸山中次包蒙泉韻

林鳥吟爲葉節婦賦

送吳子幾之雷州幕府

龍津子知信州引疾言旋艤舟蘭皋過山中論舊誼惟

鷄炊黍浮觴而酌之爲賦如何吟四章

慶源堂爲松皋先生賦

送文岡黃門奉母還鄉詩

孝思篇爲董子千里題

七言古詩

目錄

漁石集

七

退補齋

棠陵寄至破屋歌爲和二首

開先寺次陽明韻二首

見素公會宸濠反持佛朗機遺陽明公以助軍威陽明

公壯其忠義歌詠之爲和此

明妃篇

并引

兩厓行贈朱侍御廷立次崆峒韻

去年九月秋往廣陵時戶曹楊子益夫來謁舟行急乃

弗相值怏怏不已而今五月楊子督漕至仍會于廣

陵舟中奇矣于其別也詩以贈之

卷之四

七言古詩續編

紅石峽歌

得勝坡歌

一丈紅歌

涼州行

元鶴歌

百歲歌

直氣歌

後屏歌為盧諫議賦

五言律詩

桃源宮阻雨

長沙道中

察院中有草亭春山所構公暇小憇其間

登大華山

雪

石池

夢漁

除夜二首

聞鳥

聞禽言有感

鶯

目錄

漁石集

八

退補齋

雲南察院草亭漫興三首

黑龍潭

雨得鳴字

五月朔雨至壑止病次見月四首始喜而終感焉

十六夜月鷄鳴雨

雨懷三首

會請桂洲先生于貢院

桂洲先生過臨次韻

遊登圓通寺次崆峒韻

郊行

卽事

別澹菴

別潔齋

遐思

鶴野為郭秋官賦

次陽明先生遊玉笥山

吉州察院見菊花

冬至

病況

夢漁酬棠陵子

羅溪舟中

次黃太常蓮峯林居韻二首

冬日

介溪太史日擬北行弗果詩至約春初於南浦論別用

韻勸之行

正德辛巳正月十二日偕白浦南雋飲于陽明公處卽

暮張燈因作十二夜燈詩

雋溪爲南雋希會作

止弋陽行臺時魏湖大學士先生來訪陪遊溪寺

螺川夜行

溪亭小憩

金城寺

韋曲

目錄

漁石集

九

退補齋

薦福春宴次彭衙韻

薦福春宴平田不赴投以詩次韻邀之

朝川春雨次彭衙韻二首 灞橋

終南山次灤江中丞韻 望仙遊院

咸陽渡渭

邠州

景隆池

再宴薦福

驪山

華清宮

新豐市

華山

謁郭汾陽祠

謁韓文公祠

鳳翔

岐山

岐陽道中懷康對山

汧陽

隴州

關山

寶鷄曉發宿東河橋

棧道雨中

將壇

鳳縣

漢江

褒城

子午谷

洵江關中皆陸路漢水通舟

哭泉

中部謁軒轅廟

梅柯山杜甫遊春處也距鄜州三十里

三川弔少陵故宅

白松樹

合水

邵莊驛

子午嶺

鞏昌

目錄

漁石集

十

退補齋

秦州二首

太昊廟

伏羗

赦書坪渡渭

西和

兩當

紙坊頭郵亭

張果老洞

臨洮道中

臨洮

夜坐一首

涇州

望崆峒山

白水驛

驛馬關驛

龍渠春水次平田韻

壽幸菴司馬

竹山卷予題其端矣南岡翁復需一詩以填末楮未有以應仲冬己亥之夜雪色虛明照于几席清興冷然

音脫于口久之始悟曰固爲竹山作乎不知也少陵
興到輒謂江山有助夫雪亦然

題歙湖園亭次太微山人韻三首

次彭衙書院小酌

送幸庵先生歸田代作二首

送王子平甫令猗氏

送少華許子督學湖南

送蔣石庵赴湖南

送李廷章進賀萬壽一首

送潘生沐赴試南畿

送胡地官行

送祝公望司訓漳州罷學

送永康周鳳鳴分金陵教事鳳鳴亦附舟

送羅司訓二首

目錄

漁石集

十一

遺補齋

戊子端午舟泊泗州五更風雨大作

送錄刑曹官文子報成詩 得兩厓書

有懷兩厓

五言律詩續編

揀塘爲李御史廼翁題

竹溪外兄築室後田以老墟八景曰浩然丹井靈隱晨

鐘卽事也黃尖晨曦蘭陰夕照辨時也邑城卧虹觀

山覆釜比物也楊嶺樵歸平原牧唱與人游焉爲賦

詩各一章

贈梅子尚志掌教蘭谿

贈姜子分教蘭谿

綵衣樓爲懋貞親家題

鎮原

甘泉道中

駐軍綏州

榆林秋甲子甫次東瀛司徒韻

長晤次東瀛韻

登紅石峽次東瀛韻

龍池

酬東瀛

魚池

西圃次東瀛韻

發榆演武塲

榆陽橋

駐軍響水堡

波羅堡

懷遠堡

威武堡

清平堡

龍州城

鎮靖堡

喜農

寧塞營

渡把都河

目錄

漁石集

士

退補齋

舊安邊營

定邊營

花馬池

塞外揚兵三首

秋懷

聞鵲時劉總戎提兵征敵

聞鴈

檄徵守備官陶希皋赴青沙峴剿賊

駐軍莊浪

古浪

牧羊臺

憶田園

李白樓二首

送蔡子赴廣德州二首

送郭子分教翁源二首

友人民望拜官卽致仕歸詩以美之

送李子朝獻任分宜尉二首

送門人方子恩令闡中二首

看雪

參政曹子言別贈詩一章

送司空几山乃兄還蜀

送陳子道源任福安令

送鄉友金子鳴陽之閩幕

素庵爲郭翁賦

送馮伯齊令來安

送章希周丞興化

九日投詩邀主齋廉訪登高次韻二首

徐肅夫居雪谷中和藥修方書因以自號爲賦詩伍什

月波爲劉學官素予乃翁賦

夏夜望月

秋夜望月

壽趙德輝二首

贈吳子擴

桃溪書屋爲開化徐子賦

豹隱三首爲陳醫士賦

目錄

漁石集

三

退補齋

和樸翁元日喜晴

春雨獨坐

雪釣爲明醫徐東山賦

題楊三新居

壽童後溪翁七十二首

壽黃六松七十二首

除夕

題趙廷綱廬隱閒詠二首

五言排律

送宋澗山方伯入覲

送畢蒙齋方伯入覲

龍渠大夫窟土爲室以遊憩焉名曰我舫山齋蒙叟詠

之以詩次韻得一首

送成君質夫進萬壽表

送太常蘇乙峯還朝

慈愛堂爲太常蘇乙峯題

李參牧孟川迺翁爲襄陵令生孟川旣孟川分守河東

主子于襄陵爲賦此

壽少師石淙先生五十韻

送儂運曹官高子遷廣平守

五言排律續編

贊治堂

贈司寇松舉先生

葵花

壽太史對山六句

金城關

後樂亭又名城南池亭

竹泉為薛吏部乃翁七句賦

綠樹為徐翁賦

壽封大夫怡齋三十韻

七言律詩

東坡寺一首次人韻

察院梅開

登圓通寺

立春

目錄

漁石集

齒

退補齋

元日

上巳

送桂洲先生行二首次崆峒韻

桂洲先生投以詩次韻答之

開先寺次陽明公韻

除日次蓉川給事韻一首

送鄭少谷次梁岡韻

鎮西樓次邃翁韻二首

遊華山次邃翁韻二首

終南山次灤江韻

送劉進士豹林赴京

大司徒質庵八十四歲壽次大學士石翁韻

送李希獻歸田

送李總制先生還朝

送李希獻歸田

送李總制先生還朝

華清宮次仲默韻

桑澤山由屯田僉事提兵固原

遊近山園亭

遊薦福寺

送吉思邵道長

思邵道長得代者書喜賦詩次韻一首

游杜曲園亭次張太微韻 送成質夫任山東方伯

送刑曹盧子伯紀 客次逢春次竹澗韻

七言律詩續編

扈從喜晴和韻三首

文華殿賜藕次高吾司馬韻

春日駕臨西苑視穀諸公陪祀次亭溪學士韻二首

送劉子克寬分教武原 送溁厓中丞巡撫延綏

目錄

漁石集

五

退補齋

仗鉞三邊濬南中丞贈之詩次韻

預望城

三友軒

巡邊次晉溪司馬韻

崆峒

王母山

諜者云敵忽驚怖引營去二三百里次東瀛司徒韻

諸生較射于演武場時有雨

捷音

紅古城哨卒報賊兵徑奔紅寺兒出境不犯固原父老

來謝賦詩慰之

紅古城

臺上種菊數本北地寒開遲聞安厓中丞至催以詩

甲申立春日出關提學治兵寓關中凡十年感而有作

園公贈菊兼黃紫
雨花臺和鉞弟韻

內閣盆荷初開次韻

和二老重陽游邵家園三首

喜雪答五華翁
贈雲川畫師

壽東峯何翁二首
上巳二首次樸翁韻

中秋賞月時新霽次司空几翁韻四首

五言絕句

感懷

漫興

正過玉山

題蓮峯林居

說經臺

梁山

目錄

漁石集

六

退補齋

種竹

五言絕句續編

聞鷄

中秋月

七言絕句

登三峽橋次白浦韻

寒食二首

聞禽言有感二首

扇景

塞上曲八首為遂翁先生賦

塞上曲八首為荆山先生賦

七言絕句續編

扈從春祭和韻

喜多弟至四首之三

送陳子任澱江幕府三首

送石阡府推官金孔安四首之三

壽趙南溪八十

壽趙子文隱桃花塢

趙恕齋六十

題屏山畫壽錫山華海翁

方朔嘗桃二首

九日待菊未開

賦東橋司寇息園次韻

蘭江八景

目錄

漁石集

七

退補齋

明故光祿大夫太子太保吏部尙書贈少保謚文襄漁

石唐公傳

唐文襄公諱龍字虞佐號漁石浙蘭谿人鄉前進士鄭聽菴公與公祖思州公文並以經行聞思州公生贈尙書謚嶼公聽菴妻以女是生公公在娠鄭夫人夢獅踞門向日及公生日光射蓐人異而傳之幼機神警朗有遠志讀書過目融領稍長遊宗伯章文懿公門得其淵源宏治辛酉領鄉薦正德戊辰舉進士知郟城郟敝甚民戶多亡公躬勤約多方鳩集時境內久旱徒跣虔禱輒雨夏又旱再禱再雨流民慕而復業戶口日增舊弊收糧類多賦以羨餘餽令及簿計至京邊輸不給卽稱貸歸復從各戶追償之民益困公禁豪猾毋橫

漁石集傳

退補齋

徵論簿計官檢羨餘封之齋佐輪轉以是終公任不聞重徵通稅者政聲徹東土凡沂岱間有滯訟皆赴監司求決焉大盜起燕趙蹂躪齊地郟當賊衝公崇城浚濠治戰具集壯丁拒守賊攻城不利奔馬頭集公勒兵追襲之斬首二百餘級越數日賊益眾來報馬頭之役公乘其未定奮擊之復斬首百餘級賊怒糾各部直薄郟公發碗口長柄諸炮斃其驍銳六十餘人賊大創而去連帥上其功陞俸二級初公莅郟庾貯麥數斛庫餘銀三兩深以爲憂於是節罪贖積粟麥計貧戶得貸而薄其息積米麥二萬八千石銀亦至四千餘兩卒之破賊完城以其積蓄素具云丁篁嶼公憂郟民攀號數百里外建祠歲祀之服除擢監察御史出按雲南時奸孽江彬等

導武廟數出狩公疏乞戒巡遊大畧云念此天下祖宗勦之艱難今日守之當不易凡騎射畋獵無益有害一切禁之因斥彬等不臣之罪請置法示戒土弁鳳朝鳴以罪廢賂嬖倖錢寧規復用公首駁之寧集滇人在京者舉保矯內批俾襲郡將部檄下公復疏罪狀遂褫其職指揮盧和寧假父也坐殺人律寧囑讞獄者出之且以書致公裂其書竟正和罪凡再忤寧弗計也撫臣以滇卒多冒補將覈汰之其帥臣因稽其月給激眾且爲變公語撫臣曰滇夷方也以夷治之乃安今因其註尺籍撫而肆之猶逾募配矣奈何欲擾之隨諭使給糧眾心乃安其他注措滇人多利賴之江西自宸濠之亂百度蕩弛公以選往按時都御史王公守仁已平濠權璫率

漁石集傳

二

退補齋

都督許泰劉達猶提禁兵久駐省中搖吻於民恣淫贖公收縛其邏卒禁不得逞疏請班師如解倒懸先從逆者猶視事如故公以大義指責之卽日收其印綬列其不忠之罪於朝知縣劉源清馬津首挫賊鋒而功隱未錄御史徐文華范輅副使胡世寧首發逆謀而罹重譴皆疏白之其功獲酬鎮豎崔和前在金騰爲公所劾治至是再鎮江西復稔惡公禁之如初和恨甚終不能中以危禍師旅之後歲浹饑公痛若切膚極力拯戢條困苦狀凡十餘疏於上多下所司施行御史徐岱薦公積心措慮以安地方視王守仁之功不在其下辛巳擢陝西提督學校關中士習趨詭異乃新正學書院選士郡肆之剗奇靡而約諸理士習丕變有精鑒善別秀艾拔自

寒峻髻童往往爲名臣元山席文襄素知公及位宗伯與輔臣異同公因鄉試發策論朋黨以諷元山知爲公策歎服從之嘉靖丙戌進山西憲使屹立風裁事至迎解驛置作徒數百人歲暮餓夜噪而逋有司擬獄罪公曰此飢寒迫之胥靡豈狴犴囚耶乃笞倡首者數人餘悉縱歸令自齋牒投所由郡縣輸雇直以免眾感泣輸無後期民有兄仇其弟者誣以劫商布連逮十一人獄旣具公疑賊有婦衣委曲辨析得其情遂佯執其兄妻給之曰汝夫與叔同盜安得獨生妻懼訴曰此衣非從盜得妾所常衣也衣之適稱婦體召其鄰驗實誣遂白丁亥入爲太僕卿尋擢僉都御史總漕運兼撫廬鳳諸郡漕政年久弊滋公酌宜修治擇可經久者條議不憑臆

漁石集傳

三

退補齋

見徐沛新河之役調山東河南丁夫五萬供饋取二百里外踰二時弗績夫役死廷議下公公曰疏濬舊河而增築其堤自可漕較之新工難易百倍卒如公議江北洧災田土蕪曠公頒誠敕長吏擇耗亂不職者黜罷之驛傳冒破隱佔爲奸公立簿要旬稽由日稽月由月稽季令季終造報省費約三之一瀕河州縣苦夫役奏省進奉快船及入貢夷使馳驛者供索並從節縮民計丁養馬倒失不常積逋至四千餘匹吏急之不能得又歲供太僕寺備用馬土產不勝任奸販倍取直別市充額公奏乞暫停官馬俟豐年買補而輸太僕者折徵民以少紓泗州歲飢闔境流移公奏留漕米數千石賑之賴全活者以數十萬計其他如壽州正陽歲凶榷商處米備

賑通泰二州乏軍糧徵餘丁名無田子粒漕卒終歲飛輓又有軍辦廠辦船料之徵並疏停革奉勅慮囚有枉抑者十人以輕罪繫者二千六百有奇俱祇奉德意辯釋開府三年威化大行及召爲副都御史准人爭繪像祠焉未幾擢吏部右侍郎尋補左營攝太宰事值內殿災諸司白陳旨多慰留獨鴻臚太常憾於執政者數人下部欲黜之公曰變果不虛則我公卿當大政者尸其辜彼何與焉乃益陳謝力爲諸臣解得不罷朝臣有坐論執政屏斥者數十人悉推叙不輒避開國元勳劉基常遇春李文忠鄧愈湯和皆失爵百餘年一日並奏復之多公之力壬辰關中饑詔發帑金以賑時吉囊擁眾數寇邊上知公可屬大事拜兵部尚書兼右都御史總制

漁石集傳

四

退補齋

三邊軍務兼理賑濟公馳入關躬歷村落審戶丁差等頒恤奏訓平糴寬私債節用度停句攝撫逃移恤老羸收遺棄散糜粥給醫藥禁閉糴十餘事勅賜忠勤體國民得不死者三十餘萬人已乃簡戎伍飾器械明賞罰一時名將如梁震王効劉文俱拔自麾下推誠置腹咸樂爲用公謂諸鎮曰敵徠中國兵不出塞故敢陸梁夫先人有奪人之心兵法也以師三萬耀武陰山敵大驚北徙六百里癸巳秋敵犯鎮遠公督震効擊之斬首四百級甲午春敵犯延綏時震方授大同公趨震還而檄參將任傑繞敵後合戰俘獲五十餘人其夏敵潛營嚮水公檄嚴兵以俟及猝至邀擊之復斬首七十餘級秋吉囊自將十萬眾犯安會公下令分布要地使劉文迎敵

而伏兵其傍比戰伏兵起乘之敵大敗遁歸至興武効邀擊
敗之至乾溝震追擊又敗之凡三捷斬首四百五十有奇奪
器甲無算兵部上公功曰昔都御史王越擒敵四百餘賜封
威寧伯尚書王憲斬敵三百級加太子太保官其子錦衣百
戶今臣龍功殆過之宜加優典竟爲忌者所抑公在四鎮熟
地形勢險阨如指掌故聞警坐籌動必有功丙申召爲刑部
尚書初大同卒叛都御史劉源清帥師討之將盡殲其黨卒
懼爲飛語中之徵下獄公言大同凡三亂輒戕其帥不一正
法無以令天下今務姑息餌叛卒罪制臣邊人益得窺朝旨
矣源清於是得減論外戚張延齡以罪繫奸人劉東山與其
徒乘時爲奸利至構間兩宮株連貴近吏坐獄不窮竟者數

漁石集傳

五

退補齋

十人公按得其妄竟抵東山於法九廟成公條大禮大獄諸
臣名以請得赦歸者二十人勲臣翊國怙勢欲奪諸司之柄
條政務其四事下刑部公駁參其妄及朝審偕勅使欲附比
出涿豪李昭重辟公曰殺人者死必如律京尹劉淑相許執
政陰事欲寘之死公曰殺人以媚人吾恥之淑相止落職由
是權貴多不悅戊戌夏以母鄭夫人年八十餘乞終養上褒
以孝誼賜給驛歸朝野榮之公既去臺諫僉謂公當及時而
用章三十餘上甲辰秋上亦念公起爲南京刑部尚書以母
辭不允改南京吏部未行會有邊警改兵部尚書趨令赴任
鄭夫人諭公此所謂金革之事義不容辭吾勉偕汝行乙巳
春公奉夫人入都公故習邊事以制敵在將頃來文法少寬

故諸宿將往往逮繫或以誑誤間棄摧落且盡乞宥諸在繫者立功以贖廢銅者量其才用之士咸思奮往防秋不能豫備敵去來若風雨我收保恒後時故多亡失檄諸邊修城堡遠斥埃敵至持滿待之其秋敵果不能入叛卒歲誘敵入寇公知有內應密檄宣大二鎮緝奸俄大同王子充灼者八人齋稱臣表文符印旗牌令健卒約敵邊臣緝獲檻送至京師伏法一時服公遠算太廟成加太子太保冬十一月太宰缺輿論屬公既受命益感奮以抑僥倖培氣節爲任銓叙兼論資望初擇年深幽滯者叙遷餘以次及非殊勞異能不得越次其有所用舍聚僚屬共謀之眾議合然後署疏以請臺諫建白舉廢棄公疏上四十人皆時譽也丙午夏四月公病足

漁石集傳

六

退補齋

又數與執政議不合公曰吾生平鯁特今髦且病復能執法徇人耶於是三上章求去言激切上責以稱老忘國奪其官歸輿出都門三十里卒於旅舍享年七十後庚戌公次子汝楫舉進士第一人授翰林修撰又二年具疏述公前疾及道卒之狀以明不欺旨下吏部尙書萬公鏜覆公臨老乞休遂爾殞絕心迹委足自明復叙公學術純正愿官素有聲稱而總督軍功尤著詔復公原職諭祭葬贈少保謚文襄議者謂公當之無愧云公天性至孝事尊嶼公甚謹居喪廵羸幾殆友諸弟無間言其季早世割田分資撫其遺孤捐俸修先祠賑貧乏視非義之財如避不潔鄉人有敦行義者勸以禮貌或爲文表之愿官所至先風化爲不朽業接人坦夷披肝膽

至臨大事決大疑神采英毅屹不可回尤好獎拔後進或父有宿怨而其子有善則嘉引惟恐弗及學綜羣籍洞窺性命奧旨構思屬辭謹嚴典重有左氏先秦之風詩宗盛唐馳騁大厯以上其隨事建白切事幾類陸宣公世多重之前大學士楊公一清疏公早得金華文獻之傳洞契聖賢理性之學後禮部尙書歐陽公德疏公學有師傳志存經濟望重朝勳著邊圉所著易經大旨若干卷漁石集若干卷雲南江西督府奏議若干卷行於世

論曰予少時聞父兄論宸濠平後禁兵在境爲患兼功罪未明瘡痍未療微唐公則民無寧宇矣已切心識恨無從爲之掘衣及侍公銓見閱員缺非善地停筆不忍注憫貧士旅食

漁石集傳

七
退補齋

候選惕然若有所傷至於權焰灼烈若罔聞焉又何其毅也語有之仁者必有勇則公之敦厯中外三十餘年於震憾百折而雄挺不撓者非忠愛激發不能自己耶其聲業施於天下福澤徵於後世人亦可以信天道云

嘉靖三十八年歲次己未仲春望日賜進士出身資善大夫工部尙書前都察院右都御史舊屬下晚生雷禮拜撰

漁石集卷之一

明唐 龍撰

郡後學胡鳳丹月樵校梓

記

重建伏羲廟記

大矣哉伏羲氏之道乎日月麗乎天百穀草木麗乎土地
之文炳如也郁如也秩如也惟人在中經緯以成章彌綸以
參化無亦彬彬然而有文歟上古之世大始初分典彝未備
民物職職俗居居吁吁厥文猶隱焉自帝太昊伏羲氏出仰
觀象於天俯觀法於地中觀萬物於一身始作八卦因而重
之以爲六十四天下之能事畢矣又作書契而代結繩之政
以儷皮爲禮而正婚姻之始因龍馬負圖而紀百官之名斷

卷一

漁石集

退補齋

桐爲琴繩絲爲絃絃桑爲瑟而樂音自是興焉夫卦象設則
神明通書契作則文字著婚姻正則人倫叙百官紀則班位
修樂音陳則度數明神設其教皇建其極物章其采民濟其
行而人文於是乎著矣故曰帝人文之始也是以孔子贊易
叙聖人神化之功特始乎帝歸然爲神農黃帝堯舜之冠及
對康子問五帝又推其德佐成上帝以合於天凡以此也今
之秦州卽古之成紀也帝實生於斯而遺廟莽莽然而在其
來遠矣顧規制儉陋風雨震凌芻牧往來而牛羊之迹交大
弗稱祀典先是巡按御史馮時雍許鳳翔後先建議畜聚材
用荒度基址期撤而新之未卽事而代矣嘉靖紀元明年巡
茶御史陳講聿舉厥工登登而作巡按御史盧問之旣至茂

先祀典申飭攸司而分攝之布程督之令嚴省試之法工是
以用訖輪焉奐焉提學副使唐龍曰祀以德舉治以化洽是
故豐后稷之祠者咸曰重本存太伯之廟者亦稱辨治而况
繼天地開闢之功啟帝王化成之理而爲人文之始者哉惟
是廟貌翼新而宣國之大節焉揭虔妥靈有宇也修祀秩禮
有典也昭庸厚化有章也諸君子於世宏矣乃於是乎特書
之分守參政王教分巡僉事姚文清咸廣綜理之文法亦得

書

文武成康廟記

美哉洋洋乎文武成康之德穆若太和文若日星然而豐其
基乎夫豐發源扶風經流咸陽而合於渭鍾雍州之靈萃天

卷一

漁石集

二

退補齋

地之和禹貢曰豐水攸同是已周自古公去豳踰梁止於岐
下營築城郭室屋而邑別居之既文王伐崇侯虎而作豐邑
自岐下而徙都豐迨武王克商而有天下傳於成王歸在宗
周康王成周郊皆惟豐是都龍小子嘗歛衽憑軾升咸陽之
邱而眺焉鎬京奠其極畢郢維其居靈臺峙其形未嘗不嘆
曰王者之迹在茲也哉自昔咸陽西南十五里有文王廟密
邇磻溪或曰後車以載尙父正此地也北一里有武王廟三
里有康王廟西十里則成王廟在焉歲月徂征陵谷變遷材
裂爲薪址鞠爲場斷碑闕碣或存或沒覩黍離之宮邈東周
之轍者慨然有餘悲矣正德之季考成底蘊來令咸陽司徒
氏咸寧劉璣侍御邑人王獻以廟廢告令曰不穀之過也邑

有淫祠旣裁且翼乃議撤其像並祀四君於其中黜邪翼正典刑昭焉工經始令乃行矣嘉靖元年夏李仁嗣爲令司徒侍御又告曰不敢後厥役六年丁亥季春初吉乃落之爰徙碑碣之存者植其傍繹闕文以俟君子易曰風行水上渙君子以享於上帝立廟夫文武創業成康繼體肇興有周八百年之基業皇極之化人文之制與夫顯謨承烈禮制樂功儀刑王德匡冀世教防範人心至於今煌煌如也奕奕如也夫何豐鎬開基之地乃稼侵其枋棘蒙其墟厥典攸斃厥神不寧渙甚也已諸君子甄遺蒐逸聿宏厥緒神以宅栖世以德合位以班分禮以義起文以制備易之道先王之制也不其美歟龍小子崇典興行敦復古訓竊有志焉故於是乎特書之

蒲城修學記

蒲城古之赤縣也其學制儉而隘內無戟門而惟櫺星門維之於外

大成殿若左右廡密邇通衢行道之人得以薄而觀之明倫堂若東西齋闕殿之後闈闈之聲敎諸聽焉予小子臨之憮然曰赫赫之靈何以寧居弟子員亦惟地之雜事之龐而憂於不暇也縣令楊仲瓊曰此下吏之日所皇皇者也基實浮屠氏之官障於後而翳之苟靡之退堂齋殿廡迭遷而居而益以戟門制斯稱矣應之曰善令乃列狀請諸巡撫御史大夫王翊曰良哉斯畫其亟從事於是陶瓦伐石選材而鳩工

卷一

漁石集

三

退補齋

塵浮屠氏之宮而壞其垣建明倫堂與東西齋而居之進殿於堂之基而廡翼之基因諸其齋材皆澤澤然而新也卽殿爲戟門緣堂之後爲講堂爲學官居舍其材乃仍諸其舊而增飾之工興於嘉靖三年二月初吉訖於五月之望嗚乎其明而不闇也肅乎其嚴而不褻也官乎其靜而不譁也旣考其成乃進諸生命之曰宮牆巖巖得其門者寡矣二三子藏焉修焉息焉游焉則無不與乎夫居聖人之居而不學聖人之道不可居也學聖人之道而不善學焉亦不可居也文中子曰大矣哉君君臣臣父子兄弟兄弟夫夫婦婦皆吾夫子之力也然則聖人之道其諸君君臣臣父子兄弟兄弟夫夫婦婦之謂也今之士事佚游崇怠荒狎智慧而不學聖人之道者豈曰無人乎旣學矣而伸估舉之末聞道德之實其不善學者又數數然也不學者不敏竊懼之學而不善猶吾憂也二三子敬之哉其大者明君臣悖父子序兄弟經夫婦日勤於德而無所闕矣而後博學以貫之多訛以辨之修文辭以發之庶幾於聖人之道善學也哉雖然先德而後藝者士之術也始士而終聖者士之志也術審然後志定志定然後業專是故學與不學與學而善不善無亦術之審不審志之定不定而然乎二三子其惟明道以擇術擇術以先志而後可與言學矣

韓城修學記

夫韓城學宮歲月滋久風雨洊震頽乎弊矣上則聖賢無以

妥厥靈下而學官不寧居生徒不宿業嘉靖癸未邑令鄭鉞
至顧之憮然時官帑旣罄物力復竭而無所於謀乃召邑士
夫與夫耆老而告之曰吾人上棟下宇于于而居者實惟夫
子之力也而今一畝之宮數仞之牆乃築若斯是用爲懼願
借諸君之力而共圖之毋曰不能眾聞令若踴赴義若趨各
退而割賞以輸于官簡謹厚者掌之易材之良募工之能踰
數月迄用告成棟宇翬舉丹雘日晶官弗之病也民弗之勞
也令之政善矣予申命于諸生曰興學宣教有司之分也崇
志廣業爾諸生之責也今夫邑惟禹甸之惟韓侯都之厥山
奕奕厥川訂訂厥道孔倬地則美矣爾諸生生乎中而居焉
游焉峩冠長纓寬衣博帶人則士矣予嘗三臨之董董然四
十人其間聰明忠信之徒固不可謂之無也至于崇志廣業
率率於學者夫豈皆然歟天下之人品有四曰士曰農曰工
曰商已矣日聚邑之人農斯田焉工斯藝焉商斯貨焉豈有
士反不學者邪固不可也爾諸生敬之哉信道不惑所以崇
志也力行不倦所以廣業也崇志則德日起廣業則功日興
斯可以爲士矣卽大者賢至者聖且油油然而及之無難也
又何憚而不爲哉宮牆新則觀望起宗廟飾則恭敬生吾見
爾諸生於是乎惕惕而思肅肅而奮者夫豈容已也哉予日
望之予日望之

徽州修學記

嘉靖紀元春王正月龍受天子命視學于闕西夏四月蒞徽

卷一

漁石集

五

退補齋

州其學圯矣慙然興嗟亟命所司撤而新之時乏長吏莫之能舉也明年御史鄭惟新監督茶稅至州發官帑銀三百有奇申飭知州白松以經始焉又明年御史陳講嗣至發米百斛有奇用備餼廩二君子之意宏矣松香杳然莫究厥圖尋亦見斥知州朱純代之勤綜理之責嚴省試之程四年春二月乃用迄于成輪奐孔飾規緒用新宮牆巖巖齋廡翼翼二三子心懌神怡挾策鼓箏洋洋而興焉機至者易導也德奮者易振也龍于二三子有厚望矣二三子遊聖人之宮亦欲聞聖人之道乎夫聖人之道文質之謂也文無體以質爲體質無用以文爲用無體不立無用不行二者備而聖人之道得矣雖然性以習成者也化以俗著者也氣以居移者也是故

卷一

漁石集

六

退補齋

遐壤僻邑顓顓職職厥質儉矣而或苦于陋通都麗鎮交濟濟厥文靡矣而或傷于侈陋則廢禮侈則離實君子胥病焉夫州西阻秦隴東阨漢蜀崗阜層復林麓蔚蒼是故樸畧全而有質焉且白水經流通於巴江接於湘湖風氣旣宜聲教亦暢是故聞見著而有文焉二三子推曲以致全因似以索真卽近以企遠于是乎敦彝倫之本厚性命之原崇道德之實必曰聖人之質也章名物之數修詩書之訓陳禮樂之極必曰聖人之文也名實以相成本末以相承體用以相形則於聖人之道庶幾乎聖人曰文質彬彬然後君子二三子無憚爲君子斯可也抑聞禮者不忘其初者也是故大圭不琢大羹不和雕盤之文不如汙樽之制朱絃之飾不如土鼓

之音其所由來遠矣然則與其文而濡如孰若質而誠若子
林放之問尊如泰山子成之說近于君子皆此意也二子
盍慎求之

董子祠記

生聖人之時能談聖人之道者不可謂之難也惟去聖人日
遠異端淫說闖焉于世至德要道隱而弗彰乃奮顏執簡搜
繹遺緒闡明元奧進而洋洋以告吾君退則惇惇論難淑諸
門弟子斯可以爲難矣漢儒董仲舒廣川人也史言其孝景
時爲博士下帷發憤潛心大業三年不窺於園舍武帝卽位
裒然以賢良對策焉命爲江都相事易王中廢爲大中大夫
廉直不悅于公孫宏宏反誦其才使事膠西王王尤縱恣數

卷一

漁石集

七

退補齋

害吏二千石仲舒病免徙家茂陵修學著書門下弟子皆通
顯至于命大夫爲郎謁者掌故者殆百數人後沒葬于興慶
池之南而今墓土隆而不陷宿草萋萋然夫仲尼之世老聃
猶倡虛無之宗孟軻氏日談仁義萬章告子乃化而不入而
況聖賢不作涼涼子子不得其宗者乎故秦網旣密鞅睢之
流鼓其唇吻以亂黔首儒士挾詩書及偶語者則苛其禁禁
之不足則焚之焚之不足則按而坑諸國中聖賢之學亡其
緒先王之教竭其澤矣漢興遺習未殄世典猶鬱仲舒獨能
推明孔氏抑黜百家其論君德則先正心論養士則廣太學
論積誠則尊所聞而行所知述王道則任德教而黜刑罰言
仁人則先道誼而邊功利譬則鄭音興起桑間並奏吾撫而

正之清廟之瑟作于堂上一唱三嘆而有遺音焉是可不謂
至難至難者哉正德中中侍守茲土者銖求民貨華其私室
既中侍叱去室固在也府學生請於執事君子曰仲舒承秦
絕學之後講論六經統一學者卽伊呂聖人之耦無以加焉
其自膠西而還家於斯葬於斯長子孫於斯神濯濯焉而靈
也祠宇不設則何依焉中侍私室實浚民而爲之也乞改爲
祠巡撫中丞大夫王珣按御史喻茂堅曰其如議乃命有
司洒掃塗廡立像于中命之曰董子祠千百年之遺典興于
一旦矣嘗讀賢良卒章曰皇皇求仁義常恐不能化民者大
夫之意也夫祠翼然而立則子弟有所矜式秩秩乎擬擬乎
可以觀焉可以興焉其功有不可勝道者哉是故君子之意

毋乃皇皇於仁義之教也與

耀州文正公書院記

耀州古祓禊之地也漆沮二水合而從之緣山爲城城之北
維則學宮在焉顧厥基弗廣館舍儉陋士執業者祁祁日繁
至于僦屋以居弗能一其志而專其所業也距城二里聚阜
爲陵土覆若釜上平若砥聯五臺之峯附鑑山之光乃屋于
浮屠氏棟宇溢其制金碧侈其文浮于學宮不啻數倍矣知
州趙時懋然嘆曰宜廣者從其隘而宜毀者從其靡乎正之
厄而邪之昌也咎在予有司於是乎集弟子安紹輩議變置
佛宇以廣弟子舍分守叅政潘塤分巡僉事周鎬咸臧厥議
知州遂列牘請於巡撫中丞灤江王珣珣曰黜邪翼正孰曰

卷一

漁石集

八

退補齋

不可抑聞宋文正公仲淹初知邠州慶州後改戶部員外郎知耀州史稱公政務忠厚所至有恩固不誣也先是邠人慶人嘗尸而祝之而今沒五百餘年於斯耀之祠闕乎哉吾懼民無所系其思矣亟遷土佛而踣之冀葺其宇卽中以爲公祠外因齋廡以居弟子員毋怠吾將巡功焉知州奉令惟謹乃盡撤諸法像聚僧眾于庭訪其俗而還之改殿爲堂得五楹設公之像于中歲祀之旁仍其材掖之以廡東曰經義西曰治事皆得九楹分弟子員居之南建門得三楹命曰文正書院過之者肅肅如也北循崖穴土室塗塞其罅啟其扇戶共得七楹旁五楹分秩經義俾日會焉擇年長者長其約會畢乃至中二楹更相問難如讐如訟卽弗禁也經始于嘉靖

卷一

漁石集

九

退補齋

二年二月二十日迄于三月十五日則落之聚材質工皆知州爲之民弗知也亦弗病也龍聞而作曰大哉聖人之道乎猶夫海然也君子于道水之於海學之而已矣今夫水浮之爲川坎之爲瀆滙之爲江河睜若乎海而莫之及也然學之不已未有不至於海者也是故愚疇執其一德狂狷懵於中道仰視吾聖人望洋乎其思也苟矯其偏而割其過卒亦必至而已矣美哉公也雖於聖人猶有間焉其始講誦通乎六經論說本於仁義及其至也恒先天下而憂無負聖賢之學又豈啻川瀆而已哉蓋盈乎其源滴乎其瀾而浸淫於江河矣由是循其津涯遡而上之雖聖人之道可以幾而及也二三子慎之哉爰公之像則思對越其神明焉誦公之詩書則

思論其世焉靜以定志敬以居業篤于信道學以辯之力行而蹈之庶乎無不至也若以小慧間大義羣居嬉嬉焉卽聖人終歲與居則何益哉淨屠氏將指而笑若曰若殆儒其名而墨其行者乎吾懼公神蹙然有憂色矣是非所望于二三子者二三子曰吾儕固不敢也

邠州文正公祠記

宋慶厯間夏人南侵疆場日聳民用弗狎于野時文正公仲淹知邠州揚武布德夷夏讐服夏人至以龍圖老子稱之而不以名是豈唯翼蔽一州而已卽中原之地恃公之有甲兵焉夫公實內存先憂後樂之心而貧賤富貴毀譽欣戚又忘于外况諸勝敗之形無不慎焉故居則爲社稷之衛出則爲

卷一

漁石集

十

退補齋

邊陲之鎮亦其所也先是邠人思公不忘建祠以修厥祀而猶儉陋嘉靖壬午春參政潘子填行郡而省之曰是惡足以寧神居乎會州女崇繼作木妖憑之而爲言鄉人謀聚材爲廟以訛民俗潘子悉杖之女勒而配諸良材籍而歸於官妖是以息州又有東嶽行祠厥宇頗侈而非祀典之正潘子亦毀之將併其材以廣公祠乃請于巡撫御史大夫王珣曰文正公嘗厯知邠慶耀三州咸茂建功德慶之祠美矣邠乃弗稱而耀復闕是以君子有遺憾焉並圖之而後可也潘子皇皇焉先下令于耀俾改諸佛宮而爲之至是邠祠亦落於成增焉改觀龍曰天下之治在乎風之而已矣古之言治者孰有大于孔子曰君子之德風孔子而下宜莫如孟子猶夫孔

子之言也而何取于風若是乎蓋風有聲而無形形有至有不至聲則無不至惟無不至而後謂之至也是故土囊決而氣噫焉天機至而籟鳴焉其感於物鬱則解蟄則蘇慘則融滴則阜醒則析煩則滌晦則章仆則興疆則靡風之用大矣哉風以動之天之所以齊物樹之風聲君子所以興治其極一而已今夫謳者所處則人皆謳歌者所處則人皆歌所感故也況國之風聲典常以率之禮義以導之文物以宣之名器以昭之其誰不聞而興起乎是故式商容之間者周俗丕變封王蠋之墓者燕士用命不可誣也夫何彰善之響既息振德之韻又微斯日下矣是舉也黜邪而翼正尊賢而訓俗美哉洋洋乎其風也哉庶幾士迪其行乎官箴其闕乎民不惑於非乎而蔑微不至矣夫邠周之遺風實在抑不敏尤有責焉則上以風化下以風從油油然續二南之風者其能不跂以望邪故於是乎特書之

杜子祠記

杜子名甫字子美襄陽人也才振風雅瓌奇負大節傲睨公卿擇地而蹈之元宗開元二十五年預京兆薦貢而考功下之困於長安之間杜陵韋曲川原寥廓花木佳麗地之勝也爰卜而居之栖栖涼涼垂二十餘載天寶十三年祿山稱亂乃徙於三川於秦州於劍南於成都既卒還葬長安而今室莽莽然垣墮而墟矣墓壘壘然木拱而薪矣京兆弟子員弔孤遠之躅興仰止之心乃列牘請於巡撫中丞大夫王蓋行

部待御史郭登庸吉棠王鼎段汝礪願卽其里祠而祀之諸君子是其議也檄諸西安守趙伸度址相材經畫規緒官昇百金以考厥工是用績于成或曰子美詩人焉爾提學副使唐龍曰子美豈特詩人已哉夫子美亂不忘君貧不苟祿困不降志蓋有三難焉是故天寶之亂逆刃犯闕天子蒙塵子美揮涕行在崎嶇以從閔至尊社稷之憂激諸將討賊之義諷大臣安危之計直欲挽天河以洗漁陽之兵以還靈武之駕主憂臣辱主辱臣死實以之也且貧無以振拔衣不蓋體寄食於人甚者採拾以自給則就升斗之祿而衍衍卒歲亦可也然擢河西尉不拜移華州司功叅軍輒棄去召補京兆功曹叅軍不赴餓死溝壑固其志乎末年趨蜀會嚴武節度劍南特往依焉武是時權傾天下使少自貶抑則富貴可立至矣乃堅壁立之操抗岸幘之容踞牀瞪視蹈刃不懼豈非於大人則藐之哉夫曰不忘君不苟祿不降志猶不足謂之難也惟不忘君子亂焉不苟祿于貧焉不降志于困焉斯其難之至矣則祠之也固宜况子美之詩黜華挺實削浮崇雅暢叙彝倫匡翼世教風騷而下無不願執鞭焉濯濯之靈又何慚色於俎豆也祀德者禮與甄烈者訓廣諸君子於斯宏矣刑部主事張治道竊慕子美之道而詩曰浸淫焉勒於祠猶不在後法並得書

卷一

漁石集

十一

退補齋

重修節孝祠記

嗚呼士之在三代者踔乎不可尙已考德於三代之下未嘗

不於節孝先生欣欣然而願執鞭焉夫天下之真以偽離也天下之質以文敝也是故反真者剗其偽貴質者黜其文而於先生乎見之先生道必事親介必安貧學必先志事必反始行必守約教必成德文必崇雅任必居卑三歲而嬰兒六七十歲而老人七十六歲正而斃其致一而已譬猶大圭不琢其文密以理也大羹不和其味淡以元也得孔氏之門而入之其曾子閔子之儔亞歟山陽先生生長之鄉也室廬墳墓猶莽然在後之人緣而爲祠歲時酌之庶幾想像其儀刑而恭敬之心生也而乃木折瓦崩周垣廢缺棘蒙其區潦集其堂狐穴其枋雀穿其墉行道之人無不嗟也弟子牘以告予搆衣而弔之憮然曰古之君子旌別淑慝表宅里殊井疆

卷一

漁石集

三

退補齋

而敦勸焉先生行古之道也乃宇榛榛然塚離離然其何以爲訓孰非官司之責乎遂檄郡守葛子木經理其材而董役則於邑令姜潤身屬之且戒之曰先生平時居僅蔽風雨故工無風雨震搖斯可也已至若廣棖題窮丹堊荒度土功非所以承先生之德也勿爲之旣落于成物情于于然而暢悅矣昔蔣轉運薦先生於朝曰楚俗之厚實積倡之至于今淮之士大夫亮節砥行不詣公府不囑官政薄田弊廬晏如也被先生之德深矣夫何民心日懈靡靡而入於奢是可懼也於是乎樹先生之風聲以導之助流教化表正鄉閭猶有賴焉禮國奢示以儉此之謂也然則斯役之於民也大矣法得

待書

正學書院續記

陝西古雍州也自昔馮翼之賢生於王國冠帶之士園諸橋門名物肆陳典彝豐郁彬彬乎藹藹乎不可尙已旣元孽竊運雄據百二之形戎寇穴於門庭兵刃接於原野詩書煨燼賢獻連逸菁莪樸棧之化蒿焉亡矣肆我太祖高皇帝收復豐鎬奠麗嶠函阨運旣昌遺文復煥然而遐僻之壤猶闕夫師資奇瑰之士或軼乎程軼宏治初石淙楊一清以僉事督學政于斯深惟會城衣冠萃止典刑式昭乃議建置正學書院于中教授生徒工藝並程規緒用緝郡邑弟子員心懌神怡洋洋鼓笥忠藎彙升俊良咸奮賁飾川岳羽儀天朝如雲之章如風之翔三十餘年未之有改也頃因謬妄有司肆其

卷一

漁石集

函

退補齋

曲說遏茲令圖儒士扼腕而興嗟學官撤席而不講嘉靖紀元龍不敏謬典學政延訪故實諸生趨而相告故老舉以爲言時御史大夫永平王珣行部侍御史榮昌喻茂堅良鄉楊秦咸廣勵儒術茂宣功令龍牘而請焉得復舊由是物情暢悅文教蔚興士橫經而執業者炳焉有加也學有興廢道有申鬱士有昌否顧不由乎上之君子賢若否邪士戕然而冠也秩然而衣也存乎學焉爾抑學也存乎正焉爾匪學不足以爲士也匪正不足以爲學也上之君子方以是倡之二三子可自詭於斯道乎哉其惟審夫取舍則正博學強記則正修明孝悌敦尙廉恥則正執德信道力行不倦則正夫遵下學之軌者宏上達之用執養正之要者崇作聖之基鑿井及

泉爲山終切士之爲道若是乎其可也乃若岐道術者其志雜乘禮法者其度淫離德性者其行悖易成矩者其業遷此二三子之恥君子之所憂也傳曰周之士也貴秦之士也賤蓋周敦詩書秦師法術正枉旣別貴賤斯形焉可誣也二三子其爲周之士也夫

大意亭記

南康之野有洞距洞數里曰五老峯峙焉峯蓋洞之勝郡之巨觀也唯是唐李渤隱于洞飼白鹿以嬉今洞堙矣五老峯故巖巖然中峯卓立旁四峯並峙而夾持之厥色蒼蒼厥氣沉歛若鄉不貳之老其位列不紊若以齒然宋淳熙中子朱子知南康軍嘗卽洞遺墟糞除營葺論道于中暇日望五老

卷一

漁石集

五

退補齋

峯登焉陟降惟性游息以時峯於是乎重正德庚辰夏予小子行諸郡縣首謁洞學旣出問所謂五老峯者林莽鬱然隱隱莫之辨從者指曰某處客嘗建獨對亭以觀盍從之亟赴僅巔而已乃攀崖循隴渡澗越壑忽得平砥焉五老躍如于前予迎之曰峯在是矣旣而仰若可挹跂若可及無幻形無晦象信所謂洞之勝郡之巨觀也而今而後庶其見大意哉豈天遺之以待吾人而予小子顧幸有遭乎是誠宜亭或曰無石從者曰崖可伐或曰無棖曰麓可採或曰工不足曰洞稼可易然則無糜於官而民勿病哉夫太虛無用以道爲用道無體以物爲體故太虛道之根乎不亦隱哉物道之器乎不亦顯哉卽隱顯之間洋洋然物而非物可見而不可執者

夫所謂大意也今夫山堅者石也潤者土也而其宜陰陽布四時生百物則大意存焉耳豈惟峯哉凡川斯逝焉斯戾魚斯躍月日斯照稊粃瓦礫亦莫不然夫何士沈洋自恣百姓喏喏吁吁晦也久矣君子由學而之敬由敬而之誠之明敬以主之明以照之誠以要之夫然後道之大意觸之於物得之於目契之於心又奚惑焉苟不敬不明不誠則太山在前猶瞶瞶耳而道乎哉此實洞之遺教也然則斯亭匪直爲山川之迹雲物之景耳目之玩可知也已

張先生鷓菴祠記

張先生紉字昭季號鷓庵富平人也平生積學砥行軌于大義著爲文章錯綜經典揚權故實勒成一家之言洪武初舉

卷一

漁石集

六

退補齋

明經教授京兆厯陞雲南布政司布政使時皇師甫戢聲教未融制度闕亡典章沉鬱先生至闢庠序度土田制兵賦修城堡建壇壝定法令陳儀軌布條格法若畫一民若安堵治行推爲天下第一璽書褒美特進吏部尚書并命禮官傳布以風天下迨靖難之師次于金陵先生酌飲不入口自經于吏部之寢堂夫人暨其子收其屍殮之載而葬於鄉里後長子悟以懷才舉得從搢紳遊昔武王陳師牧野夷齊叩馬而諫左右欲兵之武王乃義而釋之餓於首陽鯁鯁以死夫自有夷齊然後人臣之節顯是故包胥哭於秦庭王蠋經於畫邑忠臣節士灑瀟乎而起焉自有武王然後人君之度彰是故齊祖釋射鉤之憤晉文忘斬祛之讐卽五霸亦無修怨之

事矣先生信以持義義以成信是故生則守官危則授命死不離次非今之夷齊乎文皇帝包荒舍垢以體天道俾得反葬其骨曲全其家顯榮其子非今之武王乎夫先生死且百餘年于斯耿光尚湮君子憫之旣嘉靖紀元詔天下甄錄遺用廣褒勸陝西路乃參政潘子垣蒞其事學官王道舉先生以告焉潘子曰臣以守死爲難國以顯忠爲大先生死不泯泯而今乃泯泯乎遂列牘請于巡撫並欽休烈卽其邑建祠秩祀逸典修焉龍乃執簡颺言曰節亮者動光德樹者風遠而是舉也豈惟發潛闡幽不遺先生之典刑而已抑所以仰昭聖度如天之無不疇地之無不載乎至于植彝訓補國遺其庸殆又多焉吁至矣

漁石集

退補齋

祀德記

卷一

七

祀德禮也夫德仁之澤也義之防也仁義政之經也禮士臨民有德沒而民懷之乃祀其神俾依焉政不務德者則頗頗則不廣不廣則易竭民之棄也又何祀滇古西南夷也我太祖始版圖之王師甫戢百物未備城隍焉宇灰焉土萊焉民狃狃榛榛焉乃布政張公首吏於土秩而禮修而度陳而藝極列而垣陣創而祠屋經而田制兵賦諸所規畫咸定民于今德之公關人也中丞大夫王公亦關人嗣以巡撫至其治崇體習要糾慝正枉時守臣贖貨而虐公力制其欲卽羣從於刑不得逞乃夾諸武豪侵南甸人田彼曾怨譯以徵詞公割而還之公以南趾密邇我疆理卽其衝樹柵結營析列衛

餘卒戍之及下令遏其私販謀我者民皆曰日虐政莫予毒而今旬安堵交無南牧者公之惠也詩曰愷悌君子民之父母言君子之德也又曰蔽芾甘棠勿剪勿伐言民不忘也二公有焉皇帝嗣世十年禮制修明言念遺德之未列祀者命諸按臣錄之龍按是乃疏二公狀以告禮官雜議曰曰統曰愷感無忝血食如御史議獲命乃揭祠祀焉殆謂其有德也謂其民懷也謂其神聰明正直而一也茲所謂禮也夫滇隸華百餘祀於斯默定之勳文節之忠莫可尙已然而衣冠結轍於道民心依懷將不但二公歟夫何邈者格於聞邇者逼於視猶稱缺焉實以俟夫君子雖然濫乃僭僭不謂之禮民勿依焉慎之哉

遺愛祠記

卷一

漁石集

文

退補齋

毀譽私也是非公也君子辨治恒失於毀譽而得於是非何也夫吏之儼然在位也眾言異同治之臧否不可辨也及其去也至於數十年而論定焉而後可辨也蓋在位則政出焉政有張弛有好惡故民有喜怒喜者譽之惟懼不溢怒者毀之惟懼不甚又焉憑也既去之後喜怒之情與物俱化如水之釋於水也由是乎稱其治者則幾矣故在位非無是非也毀譽恒參半焉去若歿則犁然天下之公是已矣論人以毀譽者十失十焉要于天下之公是百不失一焉不易之理也西安府領州六縣三十封畛二千里邇來膏沃日縮王祿邊食歲加贏焉且民健于私鬪訟牒蝟集自昔稱難治之地也

天順七年蜀人余公子俊知府事首闢庠序獎孝義甄貞烈
方于教化其效並臻乃科戶以征庸準田以則賦辨方以修
塗列肆以平市本末洪纖秩如也城中井鹹鹵飲者弗甘則
奠交溝二流渠而導之穴而注之民利於汲而今賴焉雖百
世猶不竭也又於涇陽鑿山引源灌田數百頃卽水利罔不
用興成化八年魯人秦公紘繼知府事恤民施厥愛御吏訖
厥威勤於事神祀惟其時時守臣以會府官司勞實倍焉乃
檄令馬丁佐其薪米公獨弗受眾竊議之曰若矯也尋有下
僚被馬丁訐其跡御史臺竟以賄論之眾始服公識會考績
推公天下治行第一夫二公去郡五十餘年于斯歿且久矣
郡賢士大夫長老童子以逮於氓隸詹詹然稱之不輟於口

卷一

漁石集

九

退補齋

油油然思之若弗能忘泣然若欲垂涕泣誠所謂天下之公
是而不易者哉先是城東有祠祀者非人按察使陳九疇至
乃繫其像毀之于衢眾共言二公法施于民有遺愛法得祀
乃卽其祠並祀之昔王質知蔡州俗祠吳元濟質曰若虜而
廟食邪狄梁公李太尉加德蔡人胡不爲祠乃命踏元濟像
更祀梁公太尉陳君非卽質之意邪巡撫都御史王珣巡按
御史喻茂堅清戎御史楊秦咸直斯舉也語諸龍曰盍特書
之乃不敢以不敏謝二公又相繼爲都御史總制陝西軍務
皆克修隄防攘虜寇邊之民德之猶夫西安也其地業已建
祠且勒之石昭昭矣法不再書

遺愛祠記

景泰初漕政弗葺乃度江淮之鎮建都御史行臺以總攝其綱而首昇諸河州王公竝尋兼領撫事凡茲江北列郡諸州咸撫有焉嘉靖戊子春二月予小子竊辱是命惟夙夜凜焉而懼弗勝既至境上揖諸子大夫曰斲木者引繩則直立政者同道則治是故周公治東郊克慎厥始君陳克和厥中畢公善成之以休於前政以建無窮之基予小子悵悵然而無所從也自有都臺百年于斯執簡者孰賢子大夫曰皆賢曰孰可法曰皆可法河州王公其至哉詢于父老猶夫子大夫之言子弟相率以告與父老無以異也夫公爲給事時爭號同列奮擊權臣既爲都御史董帥三軍鞭驅虜眾是有社稷之功矣而於是也何有乃博采州郡志及讀公神道碑益知

卷一

漁石集

三

退補齋

公嚴毅堅直政務酌于民心廉境內豪右而訖其法尤嫉貪墨吏曰是民賊也蹈而繫之威令號號然如雷霆之不可褻侮徐淮歲大祲百姓饑餓山東河南二路流民又猝至公先發漕米一百六十餘萬石近者計日餽以粥遠者料量其斗斛而均布之轉徙者路食之長活凡三十萬一千人病者給之醫藥又活一千四百人被鬻者贖還其家一千二百四十人死者殮而葬之三千三百餘人夫周近遠庇死生療病而還鬻公可謂無所不用其至矣後公被誣繫者至易衣一襲顧小舟以行民如失慈母攀號而送之天順間公再蒞民又如得慈母老人偃僂丁壯踴躍童子歌謠而來見公連屬三日不絕法以防民仁以養之是故威行而愛立予小子皇

皇馬思所休于公之政而未之能然亦不敢惰也既弟子員上書曰封南國之棠者思召伯之政泣峴山之碑者追叔子之德公實懷柔我土其有以系民之思可也先是西湖之滌有浮屠氏宮官司撤其土像靡散其徒若有待焉者郡守葛子木有志於公者也乃增置規緒繚以周垣奉公之木主于中而以名請夫公去淮八十餘年而今日子大夫與父老與子弟邈乎聲容之不相及也乃油油然而思之思之不足又乞祠之有遺愛哉於是乎命之曰遺愛祠

偶然記

龍不類正德四年己巳二月除郟城令四月十九日赴縣寓公館時境內七八月不雨民搖脛以相食龍憂焉二十日約

卷一

漁石集

三

退補齋

僚屬與父老與弟子員縞衣徒跣十步一拜徧索神祇而禱之初日色蒼蒼拜至於城北門幾一里雲淒然風冷然又二里至風雷壇雨則至矣又三里乃城隍廟在焉雨若澍中夜方止二十一日之任越三日循行原野麥盡起禾黍佈種是初攝事耳敢云有德政然乎是年八月初吉天東南若浸若氛曠日之光驚愕不知其自左右曰此飛蝗也乃焚香率羣吏伏於堂下少頃若失去既偵之蝗實起自贛榆避鄰之境直矚沂州蘭陵里而止焉尋御史儲公朝珍偕守巡官行縣稱之曰蝗不入境今見之矣龍曰烏乎敢五年庚午夏又不雨民嗷嗷然龍復約父老禱于城隍辭母氏往宿廟母氏曰日赫焉如斯安得雨龍曰惟盡吾心焉耳遂往其夜月色皎

然至四更者民張鑾大聲呼曰東方雲起龍急披衣危坐鷄鳴雷電交作雨若懸河四境霑足稱豐歲焉十年乙亥得授侍御史十一年丙子行部雲南十二年丁丑秋大旱祈禱無應總兵沐公玉岡憮然曰巡撫追理職田無辜被繫天早在斯乎敢以告龍卽徧檄府縣各閱其囚會城乃親閱副使杭東卿以分巡參議劉惟新以分守咸預焉時七月十八日也初閱昆明縣釋三十人兩次閱雲南府釋五十餘人又雨又次閱布按二司與六衛釋者益眾雨亦不息城中欣欣然守巡二公驚且異沐公欲爲建感雨亭謝之士夫諸生陳詩者無慮數十人亦謝之嘉靖元年壬午授陝西按察司提學副使是年冬無雪十二月二十七日巡撫王公汝溫檄諸司禱

卷一

漁石集

三

退補齋

於城隍而以祝文屬焉龍以雪惟元日爲上瑞所爲祝文直祈元日雪同僚數之曰元日無雪奈何越三日除夜星方煌煌至五更霰先集且大雪次日方霽王公與諸司曰靈哉文也豈其然豈其然七年戊子春以都御史董漕政兼撫江淮七月之望淫雨爲害百川皆溢民曰雨不止田不粒矣乃下令集新舊城父老禱於城隍令初下雨祁祁然旣父老集雷收其聲雲斂其淪日現中天父老懽呼而謝之蓋久澇至是晴焉耳龍無預也十一月又旱無雪憂在麤麥預出檄戒府縣以時禱檄行於初八日午時初九日晨偕總兵容堂參將東明子理刑主事李子尙綱胥出省河患舟行數里密雪灑灑散漫交錯呈祥弭害若有相焉者二三君子咸奇之又

知龍實何能爲哉昔劉昆爲江陵令反風滅火再守宏農虎
北渡河光武勞之昆曰偶然耳龍亦偶然也夫都水郎呂子
從質曰先生愛民之心真憂民貌可掬故旱與澇與蟲蝗與
無雪皆切切然爲民以禱故天亦不憚其煩而應之龍曰有
是哉有是哉

狀元題名記

器識本也文藝末也道德實也聲名華也是故君子宏器識
之本兼文藝之末崇道德之實昭聲名之華本末以相因華
實以相成夫然後可以謂之至矣高陵呂子紳字仲木號涇
野人稱涇野先生生而岐嶷昂然不羣既長述修古訓式遵
世典閑於詩書禮樂爲文務崇理致畧諸近體光而不耀質

卷一

漁石集

三

退補齋

而不俚典則炳如也宏治辛酉歲舉於鄉正德戊辰試進士
敷對大廷洋洋數千言奏名第一授翰林院修撰龍幸附末
杓之光焉時逆豎播張兇威以搖毒於縉紳尊官競事請
謁仲木鄉人也則以禮自防而履迹不交焉瑾瞋目而視之
仲木不震不懼矯冥鴻之翼抗浮雲之志退而耕于野曰涇
聖涯咀道腴周旋子職曰吾將終身哉四方學者從之如雲
臺諫論薦無虛月旣嘉靖紀元辟用賢俊璽書至門於是仲
木起復館職以附行可之義侍經筵以廣論思之益尋以議
天禮弗合出判解州不過家門怡然就道夫仲木立志惟崇
居業惟廣器識昭矣厭薄浮靡敦尙典則文藝修矣希聖賢
之軌勵忠孝之節道德亮矣令名休問如斗之揭如川之流

也聲名茂矣邑令鄧興仁尊尙其道乃登其姓氏於石而布諸學宮用樹風聲引表儀以風夫二三子者龍曰遐哉舉也二三子其不勃然而興起乎雖然仲木之道在器識不在文藝在道德不在聲名卞氏之璞不飾五采蓋其質至貴五采不足以飾之仲木之道猶夫是也是故二三子先器識而後文藝內道德而外聲名緣本而末自實而華則幾矣苟本末倒施擷華而廢實毋乃取諸其外以遺乎內而於仲木之道弗類矣乎終不幾也吁二三子其善學焉

塞寢精舍記

三原馬子伯循誦先王之法希聖賢之軌典刑所昭風聲斯被其諸弟子員振衣承響喁喁以從其集如雲其立如林馬

卷一

漁石集

五

退補齋

子傲廬不葺環堵蕭然而弟子多至無所棲止是故來遠而居弗寧也教勤而習弗專也僉事周子宗化行縣而知之憮然用惻乃議構精舍以尊其教前令王成章曰此實下吏之闕也西有浮屠氏之宮叢穢伏奸大隳世典誠易置之豈惟正之用昌卽邪亦于是乎黜矣而况民俗罔不墮乎宗化曰善乃亟命毀之變地以爲基徙材以爲宇命之曰堦我精舍夫堦我山之勝地之靈也舍實當其勝而會其靈弟子鴈行以居馬子儼然而臨之發疑待問率以躬行納于禮法龍嘗再至焉弟子進顒顒爾立肅肅爾退檐檐爾志而確然文而蔚然美矣哉馬子之爲教也乃作而言曰化以教善德以學成是故上古之世家置一塾焉黨置一庠焉選民之秀者而

升之宣之以容節訓之以德義申之以戒令齊之以讀法上
植其教功令布矣下修其學明德成矣夫然後鄉舉之里選
之庶幾博聞孝弟聰慧賢仁之士油然而興彬彬乎其盛而可
勝用邪迨夫王制湮而道化塞博士闕而學徒散家不建塾
黨不立庠鄉不舉賢里不選士古今不同而美惡之風異也
弊矣竊聞覲節者思樂觀羊者思禮昔宋郿伯有意井田之
制乃買田一方經畫疆理曰庶幾可興乎今夫浮屠氏之宮
連甍接棟盤絡中土視諸學宮實百倍之苟悉爲易置以廣
賢林以增化本孰謂家塾黨庠之制鄉舉里選之法而不可
復邪夫精舍誠足以基之矣而吾馬子則有郿伯之心者哉

平田記

卷一

漁石集

五

退補齋

是維陝之東郭之鄙終南在南杜曲在西華巖驪峯在前澧
瀆流而瀦之周原廣野中平如砥四旁有幅吏部郎管子
汝濟居廟堂而有田園之興退焉築室而耕之其自稱與夫
人稱之皆曰平田予侗乎不得其說旣適于野見一人田於
高崗苗則槁乎爾又見一人田於原野則苗勃然興之而不
可禦也乃召老農而問之曰二人田惡乎而不同也老農曰
是故地使之然也高崗地隘而脉磽地隘則險阻多石脉磽
則土膏不豐故田之者其本不舒其苗不達其幹易枯夫槁
也則宜原田畝平而廣土潤而腴平而廣故化生無窮潤而
腴故灌溉不竭由是播之驛驛庶之綿綿穫之濟濟夫其興
也又何怪焉予忻然而笑怡然而寤曰斯固管子之謂乎夫

人之一心掬而方寸焉則夫田也天命之性若投種然則夫苗也眾人之心町畦旣形藩籬又隔榛茅塞之兀然不得其平也是故傾畝頗側其天機息而已矣君子平其町畦闢其藩籬伐其榛茅理義沃若雨露潤焉鷄鳴孳孳人力至焉是故培之則達引之則伸性之根靈而固澤而不枯善之苗茁而萌油而盛田惟平則苗易長心惟平則善易興其極一而已矣他日問於管子管子對曰他人有心予忖度之子之謂也予曰旨哉味乎抑聞閔子曰學殖也不學將落蓋苗以殖而成穡也人以學而成德也否則鹵莽之滅裂之落而已矣是故苗而不秀秀而不實尼父所以興嗟日服其縛不解於時號公所以申戒吾見管子曰學而殖之則崇治性之要

卷一

漁石集

五

退補齋

廣耕道之業充飽德之休猶田之穡而有秋也其何落之憂焉或曰昔陳平爲社宰分肉至平曰使平得宰天下亦如是肉也而管子出而加於國家亦如是田矣夫心平政平理固然也陳平之平發於技故宰天下出奇用譎則猶在君子之後乎管子之平絜于心吾見加于國家者持公正之衡畫均一之準不尙異不作好惡不立偏黨猶曰不平未之或有也管子勉夫

重修清軍御史臺記

國家定制諸路彪列庶府修秩班位凡德刑政事卒伍成分任之又並建御史臺司察其過而繩其違愆蓋陽舒而陰慘天之道也仁經而義緯治之則也夫陝以西古穀函之地四

塞之國也清軍御史臺乃較軍實而申傲之外威四夷內衛
華夏責不重乎哉嘉靖元年夏五月御史楊子秦扶命而西
會臺歲久寢圯曰吾方皇皇然憂吾職而居非所懷也於是
抽逋丁填逸伍軍實用豐旣乃恒雨興焉臺益圯不可居西
安守趙子仲亟請曰有令聞而弗美其室雖或以病夫獻
子而臺至不可居則可以撤而新之卜日興役聿巡功焉材
因其良而易其腐石用其堅而變其脆垣緣其高而增其卑
墁仍其樸而飾其陋其堂噲噲宣憲令也其室翼翼儼日監
也巖巖其墉慎周防也闌地爲圃因圃爲亭柏挺其柯竹揚
其標亭曰直節振義槩也堂曰澄心勵德操也門之左右綽
楔錯而峙翬飛壁立著表儀也憲令布則法軌宏日監臨則

卷一

漁石集

七

退補齋

燕居戢周防峻則維範密義槩形則典刑昭德操亮則志慮
綱表儀遠則風聲樹其嚴乎詩云君子攸寧蓋言考室以休
息其身也斯臺則惟敬之不暇攸寧乎哉蓋奉一人之紀綱
而布之天下其道固若斯也竊聞古之君子有所敬則登而
銘諸器而居者之於室日奉以周旋庶幾知道也乎旣授簡
于漁石子曰盍其書之夫詩載泮宮又詠闕宮無不詳也臺
實紀綱攸司役之善者也而況以敬承之哉則繹而載之以
紀其美無亦古義乎又何辭焉

按察司題名記

陝西按察司先是植石而維之以亭凡吏於茲者名氏爵里
咸勒而登之歲久且盈嗣至者迄無載焉乃旁有石渾樸無

文踞焉若有待豈孰圖繼之而未成歟嘉靖壬午按察使高君顯至爰命匠氏以終其緒上下數十年名氏爵里如指諸掌皖然有關於斯政也亟語諸龍曰石鼓有文盤孟有銘所由來者久矣子盍文之而以諷焉可也竊惟立政之道紀綱而已矣何也蓋國之有紀綱猶墉之有楨榦也楨榦不具則墉隳矣紀綱不陳則國殆矣我國家定制百辟庶府咸有攸司夫紀綱之大者內總於御史臺外建按察司于諸道以分攝之而定國經貞彝度崇化本糾官邪詢人瘼訊獄牒胥于是乎出故特茂其選樹其風迹列其表著異其章服受專道之命分直指之符斯不亦重乎哉秩專者責厚表正者化行故治斯職也風之以節肅之以威蒞之以明正直無私忠信

卷一

漁石集

天

退補齋

以要之曰紀曰綱秩秩如也炳炳如也則克慎有位罔不用休若裘挈其領順者不可勝數矣一或反是則曠官僨事罔不用否譬則絲之在筥而以手撻之也夫取舍異則臧否形臧否形則美惡定故君子不可不慎也撫峴山之碑者思叔子之德讀燕然之銘者醜車騎之行惟石弗朽惟名托焉美則傳惡亦不泯未之有改也貞哉斯石有位者之監固凜然而在也豈直爲名氏爵里已乎

屯田分司記

趨廟而覲器歷國而見籥是以憮然有遐思焉余讀書每嘆前代明法遐軌咸肇自關輔以王迹所起故也既世氏上下制度改易遐哉邈乎不可復矣惟夫屯田之制揣變追合不

廢諸古而張掖浩豐方畧猶幸什一之存哉緣陝以三面而抗戎狄阻一面而守之府衛密布而什伍之士數十萬不能一日不食也雖曰擁膏沃之野挾上上之田邊儲若邱王祿若流百姓緣南畝斫終歲亦無幾獲輸於官者倍之而官之經費又倍之蓋帑藏竭於飛輓倉庫耗於供億軍非屯田果能滿贏而食乎是故不得不存也古之屯者荒度曠土分畝羅埃盡驅諸士卒且耕且戍屬有疆場之覺則荷戈而前矣今之屯則軍以十爲卒三務田作而繼其耕七備戍守而治其戰均任其甘苦而更番休之雖制畧不同與兵食而經國家則一而已夫其間肥瘠比次易淆也強弱紛錯易併也輪運偷惰易負也歛散高下易欺也故昔時置農都尉及典

卷一

漁石集

五

退補齋

農中郎以監其事今建按察分司分命僉事一員領之弊緣法興法以人治固也先是分司臨於永豐倉倉乃屯所出入分司密邇則得親詰其弊而綜核其實官固縱縱乎勞也而貪利之徒斯解其奸矣宏治中乃遷諸按察司之東而勢遽隔日惟按籍揣摩之而已由是武豪率以大量受而以小量散之其人也勒其餘其出也減其額諸所勾奪侵貸又蝟而集也嘉靖癸未濮州桑子溥以僉事來督屯事廉得其顛末乃質于按察使袁子楨曰分司昔臨于倉而中始更之人爭來言復舊便則予何愛一身之逸而不以息諸弊乎惟長者是圖乃列牘請諸守臣咸曰其如議於是卽倉之左維畫其餘地而基焉材雜取于淫祠力取於屯之餘卒甲申二月初

吉經厥始五月之望落其成中秩秩而外有紀儼然矚其倉而臨之踈索日宣奸慝無所容斯固役之不可以已者乎桑子克振於才下嚴憚之先攝屯者列挺陳械而額不完桑子每一致期輸者襁屬不絕國計兵食胥賴焉是故君子罔不健其政云

重建按察司分巡河南西道記

予讀書每至論秦形勢之勝未嘗不掩卷而嘆曰嗟哉安得結鞅憑軾一觀所謂天下之百二乎而今游者三年矣日見黃河湯湯焉鎬基奕奕焉華嶽吳山轟轟焉壯矣哉天府之國也其諸延鄜二州則又列門屏之險峻藩籬之防豈不猶常山之蛇而當其首者邪正德壬申其地奸宄煽妖聚而爲亂聲震諸郡邑大興徒兵而翦滅之矣守臣議曰延鄜重鎮古嘗設經畧招討之官是故韓范咸授鉞焉而今獨闕乎哉遂疏以告爰命陝西按察司分巡河西副使弭節于鄜得兼治兵撫民之任歲弗之更也時華亭沈君恩實首畀焉又析西安潼關卒千人更番戍守用消隱慝策之善也然而營柵未備卒猶僦民之屋以居而喩喩不便民亦焦焦然苦之沈君乃購基于市將列營焉未績於成而行矣嘉靖壬午秋福山孫君樂擢是秩至則眾告曰予儕小人赴千里之命而不獲一室之安實用離惕孫君曰豈惟汝然夫分司且傾圮屬風雨之期棟若壓也椽若崩也汝弗知之乎顧政有墜逸民多瘡痍猶未遑焉姑退以俟踰明年則諸廢具舉百物用熙

卷一

漁石集

三

退補齋

孫君曰是可以從事矣境內多材木靡諸卒採之小者負且曳鉅者輿而撥之并命匠氏陶甃于野伐石于巖既具乃以先所購基卽南北郭門之外易地二區立環堵建營室居諸戎卒以避燥溼寒暑中築臺而蒞之時較其技勇而觀其習變焉且崇牙纛之壇修勅藁之廡于是軍不露宿武不廢蒐神不乏祀馬不闕秣美哉役也嗣又籍其餘材以葺分司之居前堂後寢周廡掖室重門高垣煥焉肅焉至於胥吏輿隸居有舍鎧仗旗鼓儲有所等威以昭周防以峻瞻視以式斯又不亦善乎甲申秋成而落焉孫君亟語之曰斯于紀厥成也子獨無詩人之意乎予曰請言居之道可乎夫自古封疆之臣訓旅息眾服遠懷邇而寧輔其邦家者也匪彊弗克振之在有威而已矣威勝則虐緩之在有愛而已矣愛勝則弛糾之在有法而已矣是故國之命詞優之以節鉞曰爾揚爾威本之以文治曰爾均爾愛兼之以臬事曰爾正爾法政之大經天之則也君子於是必申儆軍實以盡威勤恤民隱以盡愛糾遯奸慝以盡法則居得其道而安矣苟于三者一物紕謬則居失其道而危矣詩云不遑啟處夫惟不遑于處而後可以處也君子居斯者無亦於三者皇皇而是務乎

軍器局記

天生五材以制兵也國制五兵以衛民也所由來尚矣蓋大有道之世不能絕寇賊奸宄之患堯舜文武之爲君不能廢金革之事固不易之理也歷較往代制派矢者威廣銷鋒銷

卷一

漁石集

三

退補齋

者禁亡鏞劍戟者業固廢戈甲者盜起所尙既殊效亦立異其勢然哉夫陝西控扼諸邊陰山之西狼望之北敵騎擁眾觀望蠕動相挺而起突而馳之斥堠聯絡而烽火日相望也弋鷲鳥者矯其矢格猛獸者奮其挺卽欲銷兵撤武不可得矣先是衛所軍器各自成鑄星散無統監工不設閱視以文是故官胥緣而爲奸以匿其數市司上下其價以竊其值工藝肆其不良以私其有武庫日索而中國之長技墮矣嘉靖紀元侍御史良鄉楊子秦以清戎至得兼檢勘軍器廉而知之憮然曰國之大事在戎而若斯乎哉固不可也惟是會城與寧夏延綏甘涼爲陝四鎮咸有鎮巡重僚并守巡并兵備并將領而共臨之抑堅材良匠罔不聚焉孰若鎮置一局析

卷一

漁石集

三

退補齋

密近衛所以隸焉局置四所所各置典守以千百戶爲之又總立監工命守巡或兵備攝其事若軍民雜出之料值藏于府藏則如舊也每歲之春府藏出其料值于局局散之典守典守命市司平易其材以充乃選眾工而畀之俾日以將事監工省其勤惰辨其工苦稱其廩餼而行其賞罰旣成舉而登之於武庫夏如春秋若冬如夏歲終一閱三歲大閱值不敷責典守材不良責市司器不堅責工司程度不密監工無以辭厥咎矣又括各府之宿料與夫羨餘及訛前日官胥之所匿市司之所竊工匠之所私勒限而還之哀積其數足若干歲乃省民若干歲之輸弗徵焉夫張絃者以善鼓也更化者以善治也或在茲歟乃合牘請于朝司空執奏曰斯固節

財利器革弊益民之大計乎報如議乃卽城南廢廨改爲局
四所麗於左右而掖之武庫奠諸其後門扉巖巖周垣不疏
觀者美焉其諸三鎮亦次第以興竊惟糾天下之政存乎法
舉天下之法存乎人是故斯局之興焉凡茲典守市司司
監工孰不有責乎雖然典守弁而武人不能盡責焉市司市
人工司工人又不當責監工者乃儼然國之大夫君子也有
正直之德有綜理之才有賞罰之任于是乎竭忠盡瘁以臨
之則節財以省費利器以宣威革弊以息奸益民以固本實
乎有在矣一不然吾見弊弊然猶夫昔也禮曰百工咸理監
工日號責成之道篤矣大夫君子毋忘斯禮可也

固原兵備題名記

漁石集

三

退補齋

固原長壕大塹連山峻極四塞之接而襟帶之固也秦屬北
地郡漢及晉俱屬安定郡唐改固原州至德中陷于吐蕃宋
咸平建鎮戎軍元立開城路咸平府尋降爲州國初府與州
俱廢成化五年用守臣議設固原衛宏治十五年復置州中
建兵備而以按察司副使領之三十年于斯代者藉藉寢不
可考嘉靖二年成君質夫來攝其官乃哀各姓氏視次第勒
于石而昭之爰命書其上方予攬轡憑軾周遊天府竊有以
觀其形勢矣寧夏環靈武之境延綏引朔方之圻甘涼結隴
州之壘共阻三面以扼南牧之敵而元戎甲士利劍勁鐵罔
不聚焉然延袤不啻數千餘里山川糾繆而迤邐焉烽火不
接聲勢斯携固原居中而執其樞左顧則赴援綏靈右顧則

迎應甘涼擊常山之蛇以合左右之節逐中野之鹿以成犄角之形固原實有焉今夫山豺狼所嗥狐狸所遊境日駭也虎豹憑其峒而踞之以張其爪牙則百獸影滅卽探藜藿者不至矣是故奮直諫之節者寢淮南之謀尙全勝之道者破先零之計君子居朝廷則朝廷重居邊鄙則邊鄙重猶夫虎豹之在山也固原之險山之隅也兵備實司其鈐轄而四夷之守在焉干城之託畀焉其可不隱然爲虎豹也乎人皆曰險在地而不在人重在人而不在地斯固也抑人重則地得其險而金湯足恃不重則地失其險天塹劍閣非我有矣夫險亦在人乎是故不可忽也然姓氏旣在得失斯形由是重邪石昭昭然由是眇諸躬而已焉石亦昭昭然而君子欲不重不可得已則石固有砥礪之道乎哉詩曰他山之石可以攻玉此之謂也質夫之意宏矣

漕運府總參題名記

我國家定制每歲諸路漕米四百萬石以輸于京師京師居北漕多出東南襟江帶湖表裏諸河道五千餘里舟艦如林至難集也師長如雲士卒如雨又未易約束也惟淮執天下之中樞左瞻則北在焉右之去東南亦無幾也乃于是建置漕司並設文武之臣以提攝之文臣曰都御史是已武臣曰總兵是已而參將副之凡諸經緯其政張弛其法伸縮其數平其料量程其期會釐弊興效甄勞糾慝補欠缺贏胥以授之歲上計而考厥成焉內外以相維首尾以相應本末以

卷一

漁石集

詩

退補齋

相承遠近以相濟譬若裘然于其領而挈之順者不可勝數矣上下百數十年于斯總兵自陳公恭襄以至於今楊公希仁若干人參將自陳公亮以至於今張文光氏若干人希仁植石漕堂比次名氏勒而登之以觀久遠借諸文光以記問於予而不能辭惟漕至重也至大也乃昇於二三臣而二三臣賢乎國之鎮也軍之庇也一弗賢國之蠹也軍之殃也其所繫誠非細矣都御史臺先是有題名予歷數之賢若否與高下如黑白然未嘗不惕然省悚然懼也而今總兵府題名又巖巖然峙矣賢若否與高下亦如黑白獨不可省且懼歎蓋人之著於其名乎爾名之著於其石乎爾希仁文光克忠克勤裨于漕廣矣由是善作而思其成焉慎始而要其終焉則石不渝名亦不渝此固希仁之意也雖然猶不能無望於後之君子共鑒於斯云

渭西雨別記

嘉靖丙戌之歲十月初吉校士於槐里之行臺侍御史兩峯子鷺車彭繡斧桓桓行部於蜀而道經焉於是出祖之於郊渭川在西波光上下昭映几席乃浮而酌之甚相樂也既酣兩峯子出所攜河東雨別卷以示曰此內濱涇野之贈言也子其何以語我龍曰嚴憚太深者流於畏卑遜太過者近于侮是故君子崇虛受之節防其畏也恥足恭之容惡其侮也兩峯子曰我能行之言必再龍曰喜察者消其明尙猛者損其威是故君子用晦而明無不明也不怒而威無不威也

兩峯子曰我能行之言必三龍曰竊聞異同立則愛惡偏迥遠間則泄忘形是故君子舉賢賢者不以德舉之公也罰罪罪者不以怨罰之當也兩峯子曰我能行之我辭子往矣夫鑑納天下之形其質明也谷收天下之聲量不盈也予三言之而兩峯子三行之遇而若約也悅而若釋也赴而若奔也則予敢不稱賀乃釋其言附于末簡名之曰渭西雨別渭西從地也時雨初霽故亦從雨也

兩厓記

兩厓子訪予於射陽之干予問之曰何謂兩厓曰蓮山之野厓左右拔而起而中洞焉盤旋其間心怡神憚因號喻志將終身居之焉爾矣於虜美哉矯乎澤乎秩秩乎比德也哉君

卷一

漁石集

五

退補齋

子之道曰節曰量而已足以有執之謂節廓而大之謂量節峭而嚴量易而寬其理異也是故尚節者多子子之行而量或鬱厚量者多溫溫之氣而節或剗雖然宏毅合德任重之器也剛大並用配義之功也節非量則隘而難居量非節則和而失則胥失之矣夫兩厓特乎起挺乎峙有節之道焉兩厓之間忡乎虛恢乎有容有量之道焉君子以之秉道履正直已抗衷禍不怵福不回威武不震高官大爵不誘不奪南山之石巖巖然中流之柱屹屹然其節勁矣畜德納善愛物愛人靜以定躁廣以去隘明以疏窒悅以蠲忿若谷之虛而無不通也若澤之大而無不容也其量宏矣夫節易偏以量持之不矯不亢偏斯矯焉量易過以節鎮之不隨不靡過

斯波焉是故量以持節則節彌固節以鎮量則量彌光剛柔
相成同異相因和敬相須味有甘苦成和羹之用音有疏密
全至樂之節兩厓固有取於斯乎予見兩厓子砥行貞度凝
然有壁立之勢尤且居之以虛而不盈也執之以宏而不隘
也是不惟取其名而且履其實矣兩厓子曰節量並宣君子
之道備矣敢不終身居之

對紫亭記

瀨溪之濱紫峯削成巉巖蔚蒼拔眾山而起峯前石崖嵬然
端若拱峙若立聞之名勝莫或先焉中丞大夫林公豫齋明
德策勳邦之紀也死而葬于紫峯之麓子廷尉以吉孝思之
心願乎其至也乃卽諸石崖構亭而對之紫峯在上石崖在

卷一

漁石集

三

退補齋

下紫峯在後石崖在前巒壁巖巖然曖乎若接乎其容風木
鳴嗚然瞿乎若聞乎其聲霜而肅然雨而濡然悽愴怵惕之
心油油乎而生不可已矣漁石子唐龍聞之曰以吉孝之至
也夫子之事父母曰生而盡力死而盡哀遠而盡思而已矣
生而盡力卽孩提之童與塗之人苟未喪其良心夫人而能
之死則有間矣遠則又有間矣獨不聞朝祥而暮歌者乎絲
履組纓雖聖門之徒亦爲之是則可戚也是故孝子仁人之
道必其事死如事生事亡如事存然後爲存之至焉爾若吾
以吉豈非所謂事死如事生事亡如事存者哉故曰以吉孝
之至也宋人徐司戶以父羅城君名石行避勿踐器皆禁勿
用夫豈遠其親歟蓋積不忘乎親故踐石則惕然用則愀然

甯其不見之爲安也若哲不食棗建不薦芟皆此類也以吉
不忘乎親故對紫峯欲常常而見之生也陟岵而瞻死亦若
是已爾無亦以以吉之見而學積之不見乎記曰視於無形
聽於無聲此之謂歟

逸老堂記

盈虛時也出處義也勞逸分也榮辱幾也一消一息協時之
極一進一退執義之衡一動一靜守分之正一吉一凶明幾
之神是故功成者退四時宣其序龍蛇之蟄萬物存其身順
時而止君子觀其象吁至矣予師白樓先生年三十有奇而
登進士居侍從者凡二十年嗣典國學再掌邦禮尋進東閣
大學士任冢宰以均六典純勲令德儼然以繫天下之望先

卷一

漁石集

一

退補齋

生乃曰吾老矣老矣吾將請焉夫曰虎邱吳之勝壤也先生
子子孝進士乃緣其東麓闢而構堂焉中虛外廣林坳交映
旁累石爲峭玉朵雲之峯瑰奇縹緲蠱蠱而起以待先生歸
老而逸于斯也孝哉子也旣嘉靖八年春先生七十遂引年
以請而得謝月給以米歲給以夫禮至厘也於是先生退而
登堂鼓琴陶陶然琴已賦詩詩已放音而長歌歌已舉觥酌
酤三行五行乃左攀峭玉右據朵雲睨姑蘇之臺矚五湖之
波而不知天地之爲大也秋臺之爲小也古今之爲久也呼
吸之爲微也氣蒙蒙而物職職也蓋神息其勞精止其搖道
神心休身安不殆而不辱矣是故盈虛順乎時出處因乎義
勞逸齊乎分榮辱辨乎幾而于先生見之易曰進退存亡而

不失其正先生深於易者哉龍嘗得聞易於先生將振衣曳履以升先生之堂矣而于是乎揚其聲云

冰槩軒記

龍行部江西嘗詢遺逸之士於巖穴之下而得冰槩先生先生先王安福人吏部郎一卿之父也自號冰槩夫冰之性寒槩之味苦君子恒比德焉寒德之貞也苦德之固也寒以甯性苦以定志性甯志定而後嗜欲寡嗜欲寡夫然後可與語至理予悲夫世之齷齪爾沒爾而不知返也惟勢則炎惟利則甘勢炙其手熱而不濯豈能寒乎利誘其衷逐而不厭豈能苦乎杯飲者不識敦羹之制巢居者不識山藻之文先生忘勢若遺不附其光蛻利若脫不沃其膏殆古所謂不貳之老非耶龍乃載之文以昭其隱節俾不泯抑以激吏之貪者俾廉化俗之奢者俾儉庶幾民風颯颯乎興哉

月湖記

月湖者月湖先生之所居而從事於學者也先生農城人初居城之閩民居雜焉市囂溷焉乃憮然曰學者適夫道者也志者致夫學者也居者定夫志者也閩焉而居其志也離而已矣志誠離其學也雜而已矣學誠雜其道也閩而已矣故君子慎所居惟是距城數里水所瀦爲湖厥形肖月日月湖先生乃緣而爲屋而居之日治六經之學於理澤如也遂以爲號月湖由是重於天下夫天下之地其有以人重者乎天下之人其有以地重者乎地以人重者人重於地故也人以

地重者地重於人故也予嘗望廬山而登之猶夫山也得吾
考亭卽而論道宮牆翼然由是山之一巖一壑一草一木天
下莫不重之其信獲所遭哉載弔臨觀徘徊遺閣誠豫章之
勝楚之名區也王勃夫人而已摳衣作賦名藉藉是重後世
稱勃者非閣無以夫不能重夫地而以地重哉勃誠何賴焉
夫斯湖之未遇先生也墊焉夫水爾旣遇矣天下之人跂而
望之揭厲而從之皆曰吾安得沃其光以澤於理飲其源以
潤其身乎良哉湖之遭也夫月得水之精其魄明湖坎焉而
容其體虛故月與湖合而虛明之德具焉君子虛以開其空
明以疏其蔽由是卓乎其志約而不離也由是純乎其學精
而不雜也由是明乎其道哲而不闇也此固先生之重之故
也然則先生之取於斯湖匪直爲居而已而湖之所恃先生
以爲重者大矣哉

願貞軒記

司徒氏龍子孔錫告于唐子曰唯是先大夫營軒子野上稽
義文揣摩象畫名曰願貞明素履警髦倦也而今先大夫不
祿矣予聞親之遠也履霜露則思居處聞琴瑟則思所樂斯
軒也乃先大夫之所居處而樂焉者也敢忘乎哉子學易者
也何以教我唐子曰姑卽卦之言語飲食言之哉頤息於內
者也天下之物形於外者也而言語飲食物之至賾也譬若
江河然流湯湯焉波瀲迴焉卽無隄防以捍其急則決矣言
語飲食人身之江湖也尙異同紊義欲離德經潰性命而其

決容有已乎然君子亦人爾而能不言不食盡拒天下之物
哉亦惟慎節之而已夫言語慎則德性專飲食節則嗜欲寡
而又大之則吐哇爾執德之樞乎冲冲爾守道之極乎甯澹
然舍車而徒乎將三日不食槁焉溝壑乎吾見天下之物皆
定於我物躁我靜物二三我一以待之而養道正矣故曰天
下之動貞夫一者也易之爲教惟靜與動動靜相制此頤貞
之義也予不佞謹復吾子龍子曰善哉言乎先大夫之志庶
幾其勿泯矣

渭川記

華人東子希節家于渭之上自號渭川濯纓滄浪取其清也
忍渴盜泉避其汙也是可以觀志矣書曰涇屬渭汭漆沮既

卷一

漁石集

空

退補齋

從澧水攸同渭者水之澳眾流之所歸也涇之性濁其水壹
釜其淖者半經流於渭渭引源而避分澤而注之蛟鼉魚鮒
不沒其波不濡其沫夫天下之至動者莫如水淆之濁泥之
滓決之東西導之上下靡乎其趨震乎無所止渭之澄定不
撓如斯夫乃若人性易決情易蕩志易汨欲易淫節易靡風
易流俗易溺掘泥揚波曰達同流合汙曰愿猶夫水也君子
於渭比德焉舉世皆濁我獨清乎天下滔滔我坎止乎江河
日下障而東之乎不波靡乎不攔倒乎不汜汜然與時浮沈
乎不居下流以納天下之惡乎夫渭流其惡則不撓矣君子
澡其德則不汙矣此固希節之志也希節爲戶部郎督儲江
右乃請記之如此云

八石常公曰者守萊萊署有圃公翦蕪理穢聚材爲亭名曰東軒漁石子唐龍曰至矣哉公之善喻治也日在水中曰東明初生也人君南面以聽天下南日之中也君之德也東日之初生臣之德也昔堯命羲和宅嵎夷曰暘谷寅賓出日平秩東作暘谷東方也日出於斯陰伏陽舒夜往晝闢晦斂明發天耀其景物呈其象君子居以向之省德之愆潛伏式昭察民之隱閭闔畢達辨治之體法揆釐正甄俗之隱訓典齊一其德曰宣其政興矣至矣哉公之善喻治也或曰曷弗以北北陸則短照有所遺又曰曷弗以西西極則昃明有所窒是故君子弗取也然則公之治其東矣乎軒初成友人棠陵子記之中及伯起卻金事伯起嘗守萊昌邑令夜遺之金伯起以辭卻之棠陵子曰金弗受乎爾何至語諸人俾人知之以彰故人之穢乎薄之道也吁有是哉故人至密弗狎其情暮夜至幽弗惰其行伯起慎獨君子也豈務皦皦然語人曰令汗我以金我弗受乎況伯起畏天之知也畏地之知也又豈索人之知者哉必不爾也然則人何從而知之蓋伯起不語人密德伯起而以語人故知之爾于伯起也何尤抑伯起名震震東方之卦陽之所出也公廉潔無私軒之是名無亦以伯起爲訓乎棠陵子乃伯起之尤而非其罪也故于終篇焉辨之

卷一

漁石集

望

退補齋

嘉靖紀元之明年春成子質夫來知鳳翔府及秋陞按察司副使提兵固原時王子濟川分巡關西路乃舉觴於分司外臺以樂吾質夫臺多柏蒼枝翠節經冬不凋蒙霜不變肅肅然而莫犯焉者也頃焉氣霽地表雲歛天末明月流空而薄之清暉素影翕習而紛錯地與景會物與情適質夫曰固以壯吾行也濟川語予以其故且申之曰景物易遷邁會匪偶子有悠然之懷而曷已于言乎哉龍曰天下之物類比則華發君子之道美合則用章栢以嚴爲質月以明爲體栢交于月而受其光則沃而澤月交於栢而貞其氣則栗而正故此德者勿之遺焉竊聞諸邊鎮其地皆沙漠不毛之土其人皆拳勇超距之士其僚皆執袴突弁之流是故法狃而不伸政蒙而不著噫弊矣雖然琴瑟之不調更張之術踈也四肢之痿痺藥石之理癢也法狃而不伸振之不有嚴乎政蒙而不著察之不有明乎夫剛柔之迹存乎治張弛之方存乎法變化之妙存乎心鳳翔先爲牧者性鷲而悍斯民隕然於湯火也質夫易之以平恕翕然稱良前乎固原之區崇苟簡喜因循而日不可爲也質夫往矣又將易以嚴明提棼綱而葺之選稗政而釐之柏月交輝有開其先或者將以倡之乎抑正德中質夫爲御史接部甘肅諸路斥貪僚繫豪右一無所貸嚴明固質夫之有也探而取之以出其餘虜焉而施以終其休孰謂質夫而不能之邪

菊圃記

卷一

漁石集

望

退補齋

菊圃者里中圃菊主人也予里居城之闔城居錢塘之上游
華川自南衢港自西會而瀦之以達於江舟艦上下綃帆雲
布朱檣林立衢通九土之實市合四方之賈居民操百貨以
伸縮其利巷隘而喧物驚而紛主人耄矣實厭其贏將更諸
閑寂者先是城有官渠以洩潦水渠之西畔虛曠若野幽聞
若山林主人曰可圃哉板防其闕土平其隘矚渠背市繚以
周垣萃眾菊而藝之以憇息焉夫主人予里閭之親桑麻之
交也歲時恒一造焉顧其菊與他圃異怪而問之曰予聞藝
菊其行欲疎疎則易茂其幹欲直直則易挺其莠欲少少則
易舒主人之圃密而不芟也厚而不整也繁而不挾也則何
如主人曰君子於物適已而已况物各有性疎疎密密修修

卷一

漁石集

四

退補齋

短短巨巨細細一惟性之達焉庶吾怡怡物熙熙其天全矣
敬亂其疎密之節紊其修短之序易其巨細之分則已與物
勞物與性悖是非吾之能也予又問曰聞菊之本末採而食
之可以延年故正月取根仲春取苗季秋取華順其令也主
人貌沃沃爾顏澤爾無乃菊是賴焉主人曰迂矣惟壽在
天不係於人惟養在人係于物毋搖爾精毋役爾形毋蕩
爾情壽之本也菊焉得而預之又焉得而壽之屈平餐英不
沈於江乎龜蒙擷苗藥牀茶竈至今存乎菊潭之水飲者百
歲南陽無天殤乎吾亦不能是夫菊有燕靜之姿隱逸之操
則老圃誠有臭味哉夫用其聰明以強物之性者鑿也主人
不鑿矣夫已汨汨焉而聽命於物以祈長生者惑也主人不

惑矣不鑿者其體安以順不惑者其心逸以休居吾廬者皆主人則官府將畫衣冠而化哉

微齋記

天下之道曰微與彰而已矣微者修于內者也彰者彪于外者也微有大小彰有遠近隨其所至而罔不應焉錦囊而章魚潛而見鐘于宮而聲諸野珠在淵而媚夫澤孰不然乎何也蓋靜含其動動不可禦愚韜其智智不可鑠虛藏其實實不可揜故君子黜華以伸實不擯實以矜華抑末以強本不黷本以事末動靜相生愚智相成虛實相形天之道也人之德也明哲既往至理曰湮士修名譽陳藝能肆靡麗之志奮高奇之迹動以離靜智以喪愚虛以盡實春華過目終朝則傾燭火末光達旦則熄是以君子惡之也按察使高君名顯字德彰皆從夫著也乃別號微齋以約之誠知道者哉蓋遵篤實之風者廣明通之用惡赫赫之光者昭冥冥之績由靜而動動之至也由愚而智智之至也由虛而實實之至也由微而彰彰之至也持滿則發若孰揚之弼中則形若孰張之物之有象事之有微理之有符其極則一而已傳曰知微知彰此之謂與禮命名必以義不義不命故君子聽樂則審音顧名則思義不可不慎也吁君克思義矣夫

寶稽堂記

寶稽堂者北山楊子之寶稽堂也嘉靖二年五月予止岐山試弟子員以德業既暇乃訪北山北山肅而升于斯堂田器

卷一

漁石集

望

退補齋

咸飭耘耔方興予曰北山殆爲老農老圃乎抑若丈人者隱於耕乎無乃悲形役樂天命怡然有事於西疇者邪北山笑而言曰予先世咸勤於稼穡迨不敏獲躋卿士及其歸也年未及耄乃退耕於野以治先世之業而今老矣日擇貽謀於吾子孫商賈之事不忍爲也金玉之寶亦惟損智益過爾矣惟彼稼穡本厚而力勤况吾祖吾父暨吾所事事者故終以遺之俾耕澤澤焉穫控控焉積粟粟焉庶幾四肢不惰而百禮洽也君子蓋有以命之予曰夫人之於子孫遺之以安則安遺之以危則危而北山遺之以安者也上古之人孝弟力田已矣力田農之業也孝弟士之行也增修孝弟而弗力田則饗殮匱于奉養黍稷嗇于蒸嘗吾懼其皇皇焉不給感然病矣苟徒沾塗體足而孝理罔敦弟德用斃又不幾於野人之佞倂罔罔乎故詩曰稼穡惟寶力田之謂也書曰惟善爲寶孝弟之謂也寶穡則生產治寶善則禮義興予故曰北山遺之以安者也楊氏子孫豈其菑而弗播且弗穫邪北山曰吾誨子孫以力田君子進之以孝弟吾誨之以農君子勉之以士贈言之利溥於贈金信矣哉小子聽之

鶴洲記

楊子靜修號鶴洲人迄弗得其說或曰豈以其洪吭修頸吐故而納新而得仙之理乎固無取於是也或曰鶴與鳳凰同爲羣天下有道則頡頏而翔于旬楊子得非以自况也哉是近之矣予聞經曰鶴產無青黃二色木土之氣內養不表於

外是以行必依洲渚止不集林木夫青黃文也元白質也洲中水衍而可居者也洲渚之小也體無青黃始中腴而不施文采乎皜然而白變之而元則修潔尙素而質全矣行止洲渚之間抑有出塵之度燕靜之思者邪是故鶴有君子之道也楊子履實崇本內而不外蓋孳孳而爲君子是誠有取焉抑詩曰鶴鳴于九皋聲聞於天易亦曰鳴鶴在陰其子和之則始雖不表於外其至也孚而無所不感達而無所不聞殆油油然矣吾見楊子戢於內而曰暢諸其外勃如也潒如也皙如也則靜含而動光體潛而用章德積而功起豈非微之而顯之翕之而張之者乎而君子之道備矣楊子曰美哉言乎再拜而受之

容堂記

卷一

漁石集

聖

退補齋

君子命名有義焉字以別其名也弗離乎名也號以別其字也弗離乎字也都督楊公曰宏美哉名也曰希仁美哉字也又以容堂而號焉孰非汲汲於自踐乎名與字與號所重者義義而弗踐斯皆虛器乎爾夫宏者大之謂也仁者視我我也物亦我也視物物也我亦物也無我無物而後可以造於大是故求大者莫先於希仁夫仁豈易言哉禮曰舉者莫能勝也行者莫能至也此仁之德也然即其所舉與其所行皆可以謂之仁特不舉不行焉耳是故仁不可勝人不可不勝仁不可至人不可不至仁猶夫海也今夫海百川渚之尾閭洩之無增無減不盈而不虛有容故也人惟有容而廣以去

隘靜以鎮躁和以蠲忿直以通疑齊眾寡之分協厚薄之度
公好惡之性宣同異之情親不廢疎不遺德不捐怨不敵貴
不侮賤不陵賢不嫉不能不棄訓彊矜弱各順其理斯仁在
我希之則是焉已矣苟弊精神乎褊淺而不能容適足以拒
夫物爾仁吾不知也又何大焉書曰有容德乃大夫有容豈
遽及于大哉蓋有容斯仁仁斯大矣公因號以踐字因字以
踐名因名以踐義皇皇然而求之若弗及焉記曰敦善行而
不忘謂之君子然則君子也歟哉

重修察院記

下俱續編

明興統一宇內翼冀京師樞乾乾坤而藩服星布經緯九州
綱紀四方則列爲十三布政司其間庶府攝理百僚備官每

卷一

漁石集

哭

退補齋

年簡命御史臺秉度而臨之御史實天子之命吏而所居臺
曰察院又表儀之著綱紀之攸司也是不亦重歟夫浙江察
院枕吳山之奇挹錢塘之清厥地靈矣而規緒顧未宏乎是
故門之外地本爽塏西緣山岡乃障以巖垣屏塞履跡民情
不易達也東臨周衢惟是門焉而濟濟庶府朝夕就而議政
與皂嚙沓不或近褻哉內而堂之後烏臺直薄游息惟室臺
東西設禮賢館以待大比校文之官亦大逼於臺而揖讓無
容而又幾於隘矣且故牘宿案狼藉散逸謹藏之府猶稱闕
也嘉靖庚子秋七月待御史對川王子紳覽轡載臨諸司議
曰察院改作之役當一勞耳拒之曰政方有先者而未遑是
乃首舉實興之典以造士焉而又蘇省民瘼甄別官邪翦剔

政蠹訛理寃牒憲令畢張諸司復申厥議侍御乃曰是故不
得已歟而輪奐之構完美之緒記亦每有取焉其從事于是
募庸僦工經畫材用皆取辦于官而百姓不知也亦不病也
徙烏臺而稍卻之距堂若干尺館亦拓而開與臺相距又不
啻尋丈詹牙不相啄樞尾不相銜也是皆仍夫舊而修廣則
過之又闢臺之後作樓二楹視臺加崇緝諸案牘藏于左右
之椽虛其中椽署之曰太微無亦欽明鑒而凜寒芒乎由是
而之外東增高其門而西亦衝而通之以撤其壅猶夫東也
並樹表坊西曰元服綱維東曰內臺風紀揭兩浙之雄圖煥
一方之葵憲業業改觀焉經始於是年冬十二月迄辛丑秋
八月而落于成杭州太守陳仕賢敦重斯役請特書之夫詩

卷一

漁石集

巽

退補齋

之斯于考室也而君子攸芋攸躋攸寧言居之道也要之
屋漏伸儆戶牖司戒其要者莫非居焉耳斯役也大哉居乎
登樓凝思則正直執法以體太微之象踐臺澄慮則欽恤祥
刑以集靈烏之瑞授館布公則持衡齊物張毅羅賢而爲國
之心皇皇然也入門致肅則綱振四維紀明六察行部之節
聿宣而居之道無不至矣夫飾宏敞之規以式其觀大居
之道以貞其職曰惟侍御之休而亦元服之賴矣是宜著
在文字勒之堅石以觀久遠云

同仁祠記

同仁祠乃巡按御史周子汝員所始建祀諸都御史孫忠烈
公燧兵部尙書胡端敏公世寧新建伯陽明王公守仁夫三

公皆我浙人後先奮忠協平宸濠之亂以死勤事捍大患也
法皆得祀功在江西而浙車輔之地竊被其休故祀之況鄉
先生沒而祭于社抑亦禮乎經始于嘉靖丁酉十一月而戊
戌三月乃考焉規緒式宏輪奐孔奕厥觀巨矣乃巡按御史
傅子鳳翔又經量祭品率取辦於官帑而弗煩民爲之又位
以齒叙從鄉也食以功令以義起也歲一祭祭每於六月十
四日濠以是日反故三公平之並從是日也是皆提學副使
張子鏊所裁定陳知府仕賢有其舉之巡鹽御史高子對植
石以紀功而文未有屬焉張子乃舉而屬諸龍謝之曰是在
張子張子直曰斯地斯時執事以御史繼三公按部蘇亂瘡
緝棼網芟稗政慘慘從事矧嘗哀秩三公之功而條奏之事

卷一

漁石集

五

退補齋

核言信孰能外耶命學官陳叙弟子員張乾元又屬之于是
乎颺言曰濠之始爲亂納賂京師要權近習中鞠禍心外播
凶痛眾怒如水火端敏爲按察副使憤曰惡茂哉不可長哉
遂列其罪狀揚于朝張射墉之器定曲突之謀忠之道也乃
下錦衣獄而遼陽之戍竟弗少原然自此濠之心路人皆知
之而濠其殆矣忠烈以巡撫至密樹隄防翦其羽翼豈嘗一
日忘濠哉濠迄弗悔禍卒逞焉首以威劫庶府忠烈仰指天
日矢無二心挺身白刃腋且折罵不息口所以奪濠之魄者
固凜如也已而烏合十萬弄兵長江會陽明以都御史提督
軍務倡揭華旗呼集義旅批擣巢穴濠震懼乃回順流之楫
我泚泚迎而擊之斃濠若孤豚然洪都底定浙亦解嚴是故

濠之平端敏發厥始忠烈陽明成厥終也仁者正誼不謀利殺身無求生三公以之哉夫仁之難成久矣非仁之難成也利之也而後苦其難也是故求仁莫先於正誼若忠烈嬰刃罵賊端敏絕不有其身陽明直捐生而赴之皆奉大閑執彝典正誼而往彼避患私軀之利誠不足爲三公謀也是故死者抗殺身之節生者挺無求之志間憫然而同歸于仁矣記曰與仁同功而異情正誼則同謀利則異殷有三仁皆爲其國之誼也而無不同也管仲如其仁如其仁而有利之之心是故朝射鉤暮脫牯情斯異矣姑猶曰未可知也三公之仁功同而情又無異是之謂同蓋戮力生前共遊地下合食一堂連輝千祀也忠烈陽明並毓餘姚端敏誕生于杭蓋浙之山川蟠吳越之雄質斗牛之精是故洪源神岳鬱蒸清淑峻發靈英烈士貞臣河沛而壁立也等而上之又若開國宣命忠文死義靖難興師正學伏節土木之變肅愍定功忠文懿人正學台人肅愍亦杭人而何浙之多仁也豈惟山川之能哉乃實國家德教涵濡之深神化感奮之速而然爾惟嶽降神生甫及申曰嵩之靈允惟文武之澤也瞻雲漢者企作人之德歆俎豆者懷非夫之懼是能不肅肅于衷乎凡我後人毋敦前修

增修浙江貢院記

夫自科目聿與貢院攸建而其制特異焉何也貢院乃賓興之地賢能之所出大典之所關也是故規模欲其宏品式欲

其密宏以重典密以樹防斯其稱矣先是浙江貢院經始猶畧苟完是務北障於河東西亦皆河之經流阻三面而闕之厥基未闢而病其隘焉東西文場號舍三千餘楹櫛北鱗湊間不能以寸獨無屬耳者乎謄錄對讀二所皆不越數椽官生盈六百餘人局促無所容苟簡之弊萌矣典試學官九十餘員滄處羣居曰無詡詡之習固不能也且前惟至公堂而後無別署凡公會言詞易靠威儀可選禮法之場可乎哉規模品式咸有弗稱每臨大比輒議改作或時詘未能或期速不逮是故禮典未融物情久鬱嘉靖壬寅冬巡按御史雲川舒汀攬轡式臨釐正百度尤崇化本視諸貢院慨然曰選賢與能務有先於此者乎徒執因循直安簡陋則豈可既謀于

卷一

漁石集

五

退補齋

巡鹽御史小江陳策厥志僉諧遂檄所司以從事布政司布政使歐陽必進婁志德均惟大典是重眾議咸集量河之形可築則築可徙則徙截然以取齊焉又相民居旁麗所樂售者厚其值而更易之東西並衍數餘丈以豐厥基由是增置謄錄對讀屋舍不啻倍之由是闢至公堂後增創協忠堂由是協忠堂之左特揭監臨察院右爲受卷彌封二所以便督察後乃駢列五所分居典試者約員授館析經注局計日責效而監臨在前表儀昭焉由是兩文場號舍陳東西之序纒連彪分疎密有章別微弭變各有攸當堂構旣拓規模斯宏防維不疎品式自備諸所鬻材募匠悉藉諸羨餘而爲之而百姓不干其勞也美哉工乎是不可以無記而授簡於龍深

惟王制三年一大比考其德行道藝而興賢者能者以禮賓之科目未之前聞也已而賢良選濫中正弊滋科目昌矣茂材異等名德碩勳直言敢諫之士並由此升得人之盛甲於諸科殆有賓興之遺意焉君子乃曰源縮而流競文勝而質剝猶若持以爲憂者夫易浮以雅變滴以瀆責實之效挺則循名之短屈忠信之意不薄則文行之用日章操得其本故爾其惟上焉登明選公以賢能求士在下執德抱藝以賢能應布之庶位務忠於天子行其所學不敢負也慎德守官宣力盡瘁而身乃國之有也不敢私也精白共勵乎一心靖恭各修乎乃職彬彬而爲三代之英焉則科目旁羅所拔真才貢院孔奐匪侈美觀始而士由科目以選而其終也科目藉士以重矣又何憂之有此固侍御與諸執事皇皇之意也不佞敢告多士

湛塘記

新安王子德仁官拜御史奉天子明命清理兩浙戎伍先是家食時構室一楹而藏修焉室左右水養爲塘潢潦方集乃混濁不辨牛馬及其湛焉則沈淖揚漪滹汗停泚洽洽然而清也侍御乃名曰湛塘而以自况焉而將終身哉侍御攬轡行縣訪杖屨于山問品評泉石因而語諸湛塘乃沈思而涵泳之曰淵乎微哉水之爲物或源也或委也而皆可以喻道焉是故采滄浪之歌興川上之嘆樂浴沂之樂博觀瀾之趣至聖大賢咸有取於斯乃若望洋者或失則荒合汗者或失

卷一

漁石集

三

退補齋

則愿渥泥者或失則隨則又不足道也夫斯塘異致汎與止之謂也是故汎斯混混斯淆淆斯泥泥斯濁止斯渟渟斯靜靜斯明明斯湛矣人之心潏焉而一掬泓焉而半畝汪汪焉而千頃方哉塘也欲之浸淫毋亦水乎一不息而濫觸焉則淵淪波動流橫瀾汗但見其汶汶乎爾泯泯乎爾惟夫知道者操無欲以貞夫一澹乎虛若鑑之瑩坎乎不盈不槩自平是故淵凝而淪定波宴而動恬流沁而橫息瀾紆而汗灑夜氣以澄天光靜發萬象悉照洪纖靡遺湛體寂如也冲如也由是乎加之于有政澄清之志疏滌羣穢激揚之節作新庶民潤澤之功善利萬用又何溥焉侍御聞之喜邑有谿奠大江之上游其色青青而若蘭也其紋漣漣而若穀也有湛之

卷一

漁石集

五

浪補齋

性哉乃汎舟中流掖予而登焉眺焉揚瓢汲深浮而共酌之侍御曰湛以洗心澡德以澤人誠有志焉而不敢辭也雖然洞彼淵水察見潛魚君子之政任察察務皦皦者則能之夫豈暇乎哉

